



Poez: 1246





2530


1869 11. 387











9

Frid. Zamell

EPIGRAMMATUM

Libri XV.

ELBINGÆ

Typis BODENHAVSIANIS

Anno M. DC. XLIII.



Laurea, Sol oriens subjecti robore tigni,
Stella triplex, triplex pausia noster hortos.
Hunc amor in Musas vel suffragante rogabat
Nomine: quiq; dedit se quoq; digna dedit.

Frid. Zam.

Lector candide.

E Manarunt Epigrammatum
meorum libri quindecim, eo
numero inscripti. At si, quæ ex-
tra Martiæ tubæ sonitum pastorumq;
avenas pleraq; cecini, ad hunc censum
pertinentia adnumeres, facile in duplo
plures digesseris. Satisfeci amicis in lusu,
in joco: numquid Tibi quoq; Lector?
Tu judicabis. Nusquam auscultavi, nul-
liusq; censuræ favorem eblanditus sum,
ut aures meæ demulcerentur irritè. Hoc
Te volo: quicquid feces aut improbes,
id audacter etiam moneas. Ego profi-
teri non erubescō, multa in esse nec Tuâ
expectatione digna, nec meo ingenio.
Sed si venia fuit iis, qui à calente venâ
calamoq; asseruere; neq; ego eâdem
indignus ero, qui erga me bene anima-
tis

tis morem gessi. Quamquam ingra-
vescente jam ætate ea præterea cura-
rum laborumq; moles succedat, quæ
prorum in hæc secessum non promit-
tit; adnitar tamen, si vita erit, ut post-
quam non pauca Tuo an meo obelisco
notata instar Ajacis illius spongiæ incu-
buerint, non absq; sale suo tersiora, se-
rieq; continuâ succinctiora à me ha-
beas. Interea exclamo: & quisquam ho-
die Poëtarum fastidiat eas voces?

Turba virum, Latœ, Tuis libamus in aris.

Felix ille fuit, quincta qui parte litavit.

Candorem, Lector, præsta, & Vale.

Frid. Zamelius.

Frid. Zämel

EPIGRAMMATUM,

quæ post alia seorsim edita nunc primum evulgavit,

libri V.

ELBINGÆ Typis Bodenhauſianis
Anno M. DC. XXXIV.

Speḱtabili & clarissimo viro Domino
Friderico Zamelio Poetæ
optimo S.

Catullus, & Tibullus, & Propertius
Ad Hippocrenes flumen hos nuper jocos
Zamelii Poeticos quum viderant;
Prægaudio risere, & auctori suum
Cratera præbuere plenum nectare:
Novos ut inde spiritus, & vim novam
Novis parandis lusibus resumeret.
Ergo, Zameli, masculè teras iter,
Quod orbit à dudum suâ signant Tibi,
Catullus, & Tibullus, & Propertius.

Georgius Lothus D. Med. P. Primarius,
Facultatis Senior & p. t. Decanus, Sere-
niss. Elect. Brandeb. in Prussîa Archiater,
scrib. Regiomonti Boruss: a. v. p.
M. DC. XXXIV.
v. Id. Julii,

Magni-

Magnifico & Nobilissimo Dno

IOANNI NICODEMO
AB AHAUSEN

Commissario Regni Suedici per Bo-
rußiam Generali S.

Cum nuper ad Hircium amicum nostrum
animi gratiâ excurrissem, alterumq; diem
apud hospitem jucundissimum penè totum
consumissem; per Exquillas urbis suæ in hortos
me suos introduxit.

Qui si Mœcenatis
opulentiam sumtuosis molibus non æquarent; at cer-
tè soli ingenio, & collium eosq; exornantium arbo-
rum amœnitate omnes villicantium delicias facile
superabant.

Nam & terra sponte suâ in her-
bas non fatuas se induerat, & quotidiani laboris nec
contumax industria illius indolem ad decus speci-
emq; loci adjuvabat.

Nec minùs (si oculorum
saltem in voluptatem eas) celebrabat paradisum
hunc fons aquæ limpidissimæ: quem eadem, quæ a-
peruerat, situs amabilitate adeo illustraverat natura;
ut nisi in ipsius contumeliam nihil adstrueret artifex
etiam sollertissimus.

Iam prona erat dies, ac
calor initio Sextilis intensior noctis adventu nondū
in teporem abiverat.

Ingressi sub ambulacro,
quale

quale felicior anni proventus varii generis arboreis
fructibus undiq; suâ serie coloraverat, spatium feci-
mus. Nec sermones erât alii, quàm in quos ipsæ stir-
pes & plantaria de se invitaverant: donec me ille
manu prehensum in ædiculâ commodè medio hor-
ti extructam abripuit. Eam annosa vitis non tam
pampinorum comis, quàm racemorum dependen-
tium ubertate pulcèrrimo adspectu obumbraverat.
Vix mihi Hircius absederat, cùm subitò audacis
facinoris rumor à pueris illatus est: ex quo in memo-
riam ille rediens non ita pridem domesticis suis in-
tentati sceleris pauca de calamitate temporum no-
strorū præfatus in profundissimas cogitationes ani-
mum demisit, meq; vultus sui asperitate repetitoq;
suspirio fractum in easdem coniecit: ac derepente
quasi eluctatus, fronteq; primùm curarum nubem
abstergens, quîn Tu Poeta noster, dixit, in medium
aliquid habes, quo hanc nebulam penitùs animo
discutiamus? Aderant mihi fortè pugillares, in qui-
bus Epigramma inscriptum: quo cincinnatulis no-
stris (ut videbatur primò) os probè subleveram, in
fine paucis versibus amantiū vanitatem perstringens.
Quod cùm legisset mecum, subridens Hircius;
& multa talia condis, inquit: quæ si nobis invidere
potes, insigni Te crimine adstringis. Ad hæc ego:
non

non ignoras, & Hirci, quàm sæpe non tam ex nostro, quàm aliorum ingenio calamum ducamus: qui si temere in quosvis nostra profundimus; aut integritatis famam ea nobis adimunt, aut calumniæ morsus hætenus occultos in nos non leviter exasperant:

— — — vixq; aliâ Vates mercede laborant.

Tum Hircius digitum in horti Custodem intendens, Ecce hunc, respondit, mi Zameli: cui suus loc^o datus est in illâ varietate hortorum meorum: quos pudicæ mentes utriusq; sexûs ingrediuntur. Hæ si vilitate aut nuditate ficulni istius dei offenduntur; habent quo avertant obtutus suos: nec exesse tamen eum patiebatur absoluti horti ratio. Tales estis vos Poetæ: qui seu juvatis alios carminibus vestris, seu de lectatis; omnibus scribitis. Nec verendum est, si ad quorundam studia aut Veneres non faciunt lusus vestri, ne laude suâ careat apud doctos æstimatores variæ amoenitatis conditor. Adde quòd quæ in Regibus fusiore argumento persequutus es; vix ab aliis, quàm solis Poetis leguntur, & quos Regum loco habetis, raris Heroibus. Nam quod ad Politicos nostros; neminẽ illi de vestrà domo fere magnificiunt, nisi & breviter ea, quæ edit, & argutè complexus sit: in fiduciariâ nimirum ponentes gloriâ, quicquid hujus ad Epicos Tuos pervenerit: cujus in possessionẽ deinceps jure eat festivus Epigrammaticarius. Cæte-

rūm amantissimū nominis Tui fautorem habes tam
virtute quā honorum cumulo eminentissimum
Dominum ab Ahausen: quo defensore aut Tua non
tanget livor, aut nullus erit. Hæc cū dixisset, roga-
vit etiam; ut si omnia nollem, nonnulla tamen eorū,
quæ præter illa; quotquot hætenus sibi videre licu-
isset; *ἐπιγραμματοσ* luserim, hoc communi æere & luce
donarem.

De editione cū persuasisset, facile
de patrono poterat. Erat. n. alioquin observantiæ
meæ testandæ erga Te, Magnifice Domine, quodam
munere animus: a quo ea magnam partem profecta
agnoveram, quæ offero.

Nam cū conclamatæ
jam essent apud me Musæ, Tu cum magno Axelio
veluti postliminio in vitam revocasti nomina hæc &
Numina: Tu (etiam annuente illo) quibus liberiùs
se mens nostra exereret, auras dedisti: Tu conatus
promovisti. Lege proinde, fave, & tuere. Sic indies
earum Tibi virtutum incrementum accedat, quas
omnes in Te admirentur, Patria colat, ingenui Pœtæ
æternis monumentis famæ posteritatis commen-
dent.

Dab. Drusopoli anno noviss. temp.
M. DC. XXXIV. Cal. Decemb.

*Magnificentia T.
observantis:*

Frid. Zamelius.

LIBER

LIBER I.

Ad Lectorem.

Accipe, quō miseros olim solabar amores,
Quale coit pluvio sub Iove, Lector, opus
Quale dominatum, cū fors mea tristior esset :
Quale & natales saepe fatetur agros.
Qui Scyllam legis & Cadmēa funera gentis,
Lusius his, Lector, tempora pauca dabis.

Ad Magnif. & Nobiliss.

Dn. Ioannem Nicod. ab Ahausen General. Commis.
Regium.

Tu tibi pater est, Gothicas es natus in auras,
Nicodama nobis carus es atq. Gothi.
Tu Theodorici, quem prisca Verona celebrat,
Nicodama: totum hoc penē referre potes.
Penē licet tamen, penitus dum dicere malo:
Ecce Gothus pater huic, patria Teutonia est.

In Romam.

Intulit in Latium Phryx magnae sacra parentis:
Venit ab Idaeis Mystica turba iugis.
Pontifices Phrygiam capiti sumserē tiaram:
Qui dedit his lituos, augur Hetruscus erat.
Hinc alii ritus, hinc ambarvalia Missae:
Ad dedit & velum legis Apella suae.
Cum Petrum Christumq. crepent Papalia Regna,
Vix aliquid verae religionis habent.
Miraris? foris tot millia Roma deorum.
Difficile est, omnes dea dāicisse deos.

Ad

Ad. Ant. Brusserium.

CAndide Brusseri, curas admittis edaces,
Prudentemq; animum non desinis ante querellis
Frangere; castigem quàm Te solator amicus.
Me quoq; fata manent eadem, pressiq; Tuarum
Curarum lembum: sævit mihi Iupiter idem;
Et risi & dolui. Sæpe emendare paratus
Fortunam adversam graviora pericula traxi.
Quid faciamus uterq;, rogas? occurrere ventis,
Difficile & stultum. Rectè committimus aura;
Et regimus cursum ventis melioribus usi.
Brusseri perstare Deus, sineq; malorum
Expectare jubet, nec inertem credere sortem.

Absolonis Episcopi cavillum

in Valdemarum Regem apud Saxon. Gram.

SI parcis fortes, Rex, objectare periclis;
Mars novus imbelles cogat in arma viros.
Majorem referet victoria parva triumphum;
Aut Tua momenti damna minoris erunt.

Vino curas abigendas esse, non mentem
excurbandam.

Pelle animi curas: mentem non excute vino.
Ne furere incipias, cum dolor omnis abest.

In Papam.

Saturno genitis cum fors sua cula dedisset
Regna, quibus solus præfuit ante pater:
Necdum fidereas adisset Iupiter arces,
Æquora Neptunus, Pluto Acherontis aquas;

Respi.

Respicens Papam, famulo quæ portio ceder?
Dixit hic, ætherium cûi dedit urna polum:
Et maris & cali consortem nemo ferebat:
Partem Erebi Papæ Pluto daturus erat,
Iupiter arridens, superest Saturnia tellus,
Inquit, & amor Regia prisca patris.
Hæc habeat. Quod si magnum adfectârît Olympum;
Mittam ipse ad Scygias hunc Tibi, frater, aquas.

Nuptiis Martini Coriani

O fata à nostris possent mitescere votis!
Est rigor in fatiis, ô Coriane, Tuis.
Non satis est, subito vetulæ dicescere numis:
Non satis est, lautæ conjugis esse virum.
Pax & amor socii commendant fœdera lecti.
Deceptus puer es, cûi malus autor erat.
Virginis in thalamos teneræ consultius isse.
Aprior est studiis vana puella Tuis.
Vix feret illud anus: posse hoc se ferre negabit:
Nilq, maritus ages, nî probet uxor anus.
Sed rerum ignaro rerum studiosa sit uxor.
Causa hæc cognatæ (credo ego) gentis erat:
Addiderim punctum; si, quæ tricesima messis.
Acta bis est illi, jam foret acta semel.
Tu puer es. Vestris nimium est discrimen in annis.
Odit, morosam quam puer audit, anum.
Sit amen à firmis sunt hæc ludibria fatiis;
Sit vobis miseris lenius omne malum.

Federici Bartonii.

Inanos pueri nuper damnavimus ignes:
Cui juncta est consors causa doloris anus.

Tu juvenem senior ducis, Federice, puellam.
Tu major natues: cui decus, esse virum.
Non neget his thalamis placidum sua pignera Numen.
Moris Elisa probi est. Pacis amabit opus.

In Romam.

Martia Roma sibi gentes parere coegit:
Imperio mentes Martia Roma premit.

Ad Casp. Cunradum.

Te quemcumq; ferant memores in secula mentes,
Versibus in nostris Actius alter eris.
Sit amen Aoniæ differs à Præsede Cirrhae,
Cunrade; inventor carminis ille fuit:
Tu numeros exples, captumq; ignobile claras.
Prima fuit Phæbi gloria, summa Tua est.

Pœnitentia vera.

Sæpe ego cùm reputo mea maxima crimina mecum,
Quamtaq; sit scelerum vindicis ira Dei,
Horreo: & inferni metuo male-consciis ignes,
Me miserum, ut vellem teste negare Deo!
Quid faciam? mutabo animum, veniamq; precabor:
Et verè, ostendam, me doluisse, Deo.

Pœnitentia non seria.

Hi quamta impietas sua crimina nolle fateri,
Rebus & afflictis dissimulare deos!
Vsq; adeo infelix pervasio mentibus hæret,
Majus ut admisso crimine crimen alant.
Invirium lapsis non frustra irata minantur
Numina, Nam subito pœna parata venit.

*At miser Hemonios optat depelleret succos,
Quodq; datum Magicâ credit ab arte malum.
Miserit interdum querulas ad sidera voces;
Irrita non puro pectore vita dabit.
Scilicet huic possit spes certa affulgere, qui non,
Quâ debet, superos hac prece poscit opem?*

Vitæ rusticæ laus.

*Q*uam rectè vivis, parvo si degis agello:
Si Te cura Tui maxima ruris habet.
Si Te nec furor exagitat, nec cæca libido:
Si nec quæ mala sunt plurima luxus alit.
Sera Tuo Lachesis deduces flamina penso:
Iratum metuent nec Tua tecta Iovem.

Ad villicam.

*L*actucam, ut volui, servisti heic, villica, circum.
At nunc somniferum terra papaver habet.
Scilicet insanit varias pulvillus in herbas:
Luxuriam at promptâ fas prohibere manu.
Nunc tolera: at scapis maturo semine demtis
Hoc cave; ne repetat fertile semen agrum.

*In nemoris partem ad Ducatum Borussiæ perti-
nentem Buncinenſi lacu totam fere
circumdatam.*

*H*ic Tibi, Calliope, concesserit oria lucus:
Cujus ab iliceâ frunde nigrescit humus.
Illa satis viridis divina silentia præstet
Insula non penitus peneq; clausa lacu.
Iam Te capturâ recrearet nassa recenti;
Iam Phæbi afflaret mirior aura Tui.

Ad Musas.

Corpora dum torret flavaſq; Canicula meſſes,
Pieridas repero Pieridumq; Nomus.
Adventate deæ, plectrumq; adferre chelynq;
Et tenuem viridi frunde operite domum,
Heic ubi & ipſa ſua eſt umbrâ gratiſſima laurus:
Quâ nemorum ſolâ gaudet Apollo comâ.
Pergite: jam videor præeuntem audire, ſonumq;
Auſonie totâ mente notare lyræ.
Dulce eſt, Aonio meditari carmina plectro,
Et caſtis victum cedere virginibus.

Laus agriculturæ.

Delicias ego ruris amo: ſpernantur agreſtes;
Et ſtudeat ſædo civica turba lucro.
Primus homo domitos miſit ſub aratra juvencos,
Immiſſoq; rudem vomere fregit humum.
Natum inter tribulos excuſſit ſemen ariſtus:
Id lectum ſulcis credidit ille novis.
Lac pecori expreſſit, natiſq; alimenta paravit
Inſani luxûs neſcia prima parens.
Conjugij Deus autor erat, rurisq; colendi.
Cultus agri probus eſt inſtituente Deo.
Laudavit ruris mecum Catharina labores.
Sit nobis, inquit, parvus at uber ager!

Chriſtus Dei & hominum vinculum.

Nexus ut humana fieret cum Numine ſortis,
Veri hominis mundi conditor ora gerit.
Tolle oculos, mi anime: & ſi ſentis Numinis iram,
Velle puta in noſtrâ parcere carne Deum.

Ad Idiotum

de Prædestinatione.

Pone fidem, si vis electam condere gentem.
Vis breviter reprobos noscere? Tolle fidem.

De pædobaptismo.

Quos vocat, atq; suo lustravit sanguine Christus,
Baptismi pueros quei prohiberet aquis?
*Scilicet hæc Numen testantur signa reductum,
Iamq; hominem satius posse placere Deo.*

Dictum Christi Lucae VI. Date & dab.

Si dabitis, dabitur vobis. Hæc concio Christi
Posse negat sterilem præmia ferre fidem.

Miraculum.

Cum genus in nostrum bonitas sit Numinis ingens,
Cum ruat ad Stygias impia turba domos;
*Non Te munifico grates, homo, reddere Patri,
Pænarum infandos nec reputare modos;
Hoc mirum magis est, homini quod grata rependis,
Gratus at in rerum negligis esse fabrum.*

Ad Theodoricum Boterum.

Ad summam doctâ vigilas indagine lucem:
Cum surgant alii, strata Botere peris.
*Pone acreis curas, magnumq; Botere laborem.
Nam debet longi temporis esse labor.*

M. Felici Basio P. C.

Vivis adhuc Basii? multâ quem melle negatum
Nunc aliqua in Cattis vivere fama refert.

*Tecum Varniaca me Pallados umbra forebat.
 Tempore ab hoc nostri fœdus amoris erat.
 Vnâ Leucoreas accessit uterq; Camænas,
 Quâ canit Ausoniis mista Columba cyenis.
 Rara Tuis studiis heic, Bast, gloria venit :
 Me fato patrie prima remisit hiems.
 Pallaus nostras delatus nuper in oras
 Sub nostrum Dominâ venit ab Vrbe Larem.
 Heic pulcrum recolens nostri olim fœderis usum
 Perpetuam multo junxit amore fidem.
 De Te multa rogans, minimè cùm certa referrem ;
 Inveniam, si quâ Bastius, inquit, erit.
 Scire hoc Te satis est, teste hac me vivere dextrâ.
 Si certo superas, pluscula redde : Vale.*

In Atticum.

E Sse nihil dicis ; quod scribimus, Attice, versus.
Attice, quod scribis Tu nihil, hoc nihil est.

De exemplis.

Q Vâ prodire iuvat, stimulent exempla priorum,
In reliquis passu non licet ire pari.
*Nam fâvet ingenio plus diva volubilis illi,
 Quod momenta sui plura vigoris habet.*

Fraus Pontificia.

F Lectere cùm poteris Iacobum, Hispania, Regem,
Plus rasi poterit verticis una manus.
*Cùm coleret Tecum securam Gallia pacem,
 Nom humili maduit regia cæde domus.*
*Mirrite consortes æterna credere pacis,
 Qui pia posse coli Numina fraude putant.*

In senem.

SEptima visit hiems Te quinquaginta peractis,
Inq̃ Tuis splendet nix veneranda genis.
Quid facis, ut doceant factorum exempla minores?
Clam, quorum cæpit Te p̃duisse, facis.

Paullo Sansergio sponso.

ASpera seu redeant incultæ frigora brumæ,
Seu redeat puljo frigore Veris honos,
Nunc svadere gelu, nunc invitare volucres,
Vt thalamos ineant corpora bina, ferunt.
Vr̃eris æstatis medio, tadasq̃ jugaleis
Vrges, Sansergi. Te Tuus urget amor.
Et flammam medio Tua Margaris haurit in æstu,
O quamtus vestro surgit in igne rogus!
Accipitis sortem majoris ab omine flammæ:
Cui potius vires quæq̃, procella dabit.

Sponsis quibusdam.

ET numeratis adhuc. Quid in ipsâ calculus horâ
Ad digitum scrupos, momina, puncta putas?
Mittite. Dum xygiæ resonant penetralia cantu,
Miliciam vobis imperat alma Venus.
Ite anima nequam. Puerorum riserit ætas.
Solve chorum fidicen. Turba molesta sumus.

Molitor jurans.

NULLa timet furax molitor perjuriam: nullos
Esse putat superos. Sus illi pascitur ingens
Polline sincero: qualem vidēre jacentem.
Enēæ comites adveſti na vibus oras.

*Italia. Multa lentus facit ipse sagina
Sive trifur gressum seu curculio omnium acervi.*

In Fabrum pusillum.

Q*uinorunt penitus Fabrum pusillum
Festivi & lepidi nimis sodales
Omnes hunc perhibent virum esse acutum.
Illud nemo neget, negare nescit.
Qui novit le vicer Fabrum pusillum.
Namq. illi caput est acuminatum.*

In Ponticum.

I*mperio & sceptris dignum Te, Pontice, dixit
Nescio quis. Servum credimus esse Tuum.*

Ad Somnum.

S*Trata quid hæc transis? cur non, dum cuncta filescunt,
Accipiunt munus lumina nostra Tuum?
Deprime mihi heu oculos, placidumq. immitte soporem,
Qui premis imperiis omnia somne Tuis.*

Ad Geometras.

V*Trerum in serie Physicis prior orbita cæli est;
Sic vobis poterat circulus esse prior.*

Nuptiis Pauli Donneri.

D*Esine, Paulle, queri. Sortem non deseret illam
Anna recepta polo-Res age, Paulle, Tuas:
Vrsula jungetur? Tua Paulle negotia tractas.
Egregia mores Vrsula matris habet.*

Ad Staphylen.

N*on docuit, Staphyle, Te Naso magister amoris:
Sæpe tamen loqueris, quas docet ille, noris.*

Non

Non plus, quàm cauti nutus, Tua verba monerent.
Cruq; Tuas voces pesq; prementis habet.
Sunt verba in digitis: & mensâ scribis in udâ:
Deq; aliis scitè, quæ Tibi grata, refers.

Ad Barbaram.

Quid fles (incassum est) pereuntem, Barbara, florem?
Nescis. quod vitium lumina flentis habent?
Pone supercilium vultûs, animiq; tumorem:
Neglectosq; prius decipe blanda procos.
Sape quod in facie vobis Cytherea negavit,
Pensatur lingvæ garrulitate bonum.

Ad Claram Firmiam.

Pes brevi & strictum Clara est Tibi Firmia pectus.
Si facies effret; dos Tua tota foret.

Ad Staphylen.

Aldio difficilem, Staphyle, quasise parentem,
Vnde sit ille mei tam juvenilis amor.
Tu scitè: & non jam, sed cùm formosior esses,
Te mater juvenis cepit amare pater.
Arripit, si vera refers, misitq; rigorem.
O faciem in votis hanc gerat ille meis!

Ad eamden.

Ecce miser, Staphyle, Te cara secutus amator
Non fugi longam solus inire viam.
Tu mihi Te abjectam multâ regione putabas,
Et me jam vultu posse carere Tuo.
Hac Te ego per nemora & ridentia prata requiro,
O Staphyle, & salvâ gaudeo parte mei.

De Poetarum amoribus.

Hoc puer in ludo, quod amat quoque Iupiter, audit:
Audit & à Vatum vespibus, esse deum.
Tunc vaga, nec firmæ rationis colligit atas:
Nullum crimen habet, si deus ardet, amor.
Lascivos multum versat mea turba Poetas.
Quid mirum est, Vatum si calet omne genus?

In Puellam.

O Fatua, & nostro non digna jacere cubili,
Vna tamen votis sæpe petita meis.
Quis furor incescit? quæ spes Te tam improba lussit,
Vt mallet alii vivere nupta viro?
Sed seu jam quereris nondum conjuncta marito,
Vt fama est; si ve hoc dissimulare potes;
Vlti nefas Venus est; nec magno fenore novis
Prætulit incultum mater egena procum.
Nil mihi, cui melior superest fortuna, negatum est.
Tu Tibi cum thalami cuncta quiete negas.

De Staphyle.

Hæc est tertia, cum meos amores
Non vidi Staphylen, minore luce
Lux exorta mihi: secuta cura est
Rusculum viride ac nemus quietum,
Et si non hodie ad Lares revertar,
Et carum Staphyles adibo limen,
Cras matris comes ipsa rus abibit,
Matris imperium sequi coacta:
Nec prius repetet suos Penates,
Quàm Phoebus face septimâ recurrat.

Ibo & nectaream mea salivam
 Hauriam Staphyles, superq; molles
 Ambo colliculos manu vagabor,
 Mox inter mediam subibo vallem
 Lapsu precipiti, & revertar illuc,
 Quà descensus erat; merumq; sugam
 Illud interibi, quod ipsa condit
 Et dulcis Venus & Diona mater,
 His ipsis labiis mea à labello
 Et lingvâ Staphyles & ore toto.
 Ridebunt Venus & Diona mater
 Inter tot placidas amationes,
 Tot lusus teneros, puerq; mistus.
 Isdem nequitia repertor omnis
 Quàm meam Staphylen in arma trudet
 Audacem, quibus erubescat antè
 Tentatis, properè hæc inire bella!
 Me isdem nequitia repertor omnis
 Tum mæ præsidio cavere noto, &
 Materni in meditullium jubebit
 Regni steterè plurimum madentem
 Dulcium imbribus osculationum.

Ad Cordulam.

COrdula, deformis formosa ministra puellæ,
 Ab Tibi quàm vultus invidet illa Tuos!
 Quàm timet à populo Te ponè sequente videri,
 Ne præ se famulam gressu juvenilis amer,
 Addideris cultum; Tibi filia cedit herilis,
 Et volet hanc speciem dotis habere locos!

De puellâ & juvene.

Adspectans noctu fulgentia sidera virgo,
Hoc utinam, dixit, stella nitore forem!
Cum juvenis: sed Sol fierem; Tu obscura lateres
Virgo tamen. Semper nam mihi juncta fores.

Ad Staphylen.

Vri me Staphyles amore dicunt,
Atq; osci, quoties libet, tenelli
Melleam imbibere usq; me salivam.
Vno sed licet illud ore dicant;
Hoc tamen dubio sat ore dicunt:
Nec plus tam dubiis ferunt loquellis.
Cum quarent, Staphyle, Tui parentes,
Aut instructa dolis soror Melana,
Quid dices aliud? licere nondum
Hoc mihi potuisse per parentes.
Sed cave, Staphyle, ut negabis ipsum;
Neges me quoq; plurimum Te amare:
Ne ficta omnia credunt parentes.

Ad cives.

Vix erat in terris Paullo præstantior alter:
Non erat hoc, Meliten qui coluere, viris.
Sprevisti, cives, virtutem sæpe latentem.
Hoc minus est: plus est, optima corda premi.

In Codrum.

Res mira est. sordent violæ Tibi: flagrat id unum;
Ingenua nares quod bene olere negant.
Quid Tibi contendam? meliores provoco nares,
Olfactu dicent crimen inesse Tuo.

LIBER II.

Ad famulas cū hortum confereret.

Accipe serva manus, sed commiscere caveo.
Semina: pul villis singula redde suis.
Tunc Venerem accipiunt floreta, de amq; sequuntur;
Cū viret in proprio qualibet herba thoro.

Ad Marcum Talæum.

Agrorum mutas faciem, & pomaria signas:
Quæq; leve curas, surgit amoena domus.
Injere, Marce, nota stirpem melioris: at infra
Succidat spurium sedula dextra nemus.
Vsq; seca, donec fastigia fecerit arbos;
Cervicem inclinent brachia ne qua Tuam.
Tertius autumnus maturum evellere lignum
Si jubeat, fœtus ordine pone Tuos.
Quinq; pedes & bis denos interjice binis:
Quadrati medium debet habere pyrus.
Hac ego lege mei pomaria consero ruris:
Dum motus animi liberioris amo.

Qualis stirps ad inferendum eligenda.

Si potes in cicurem, silvestrem respue malam.
Mite genus calo rectior illa subit.

Mespilus.

Mespilus accipiunt pyrus atq; cynosbatus. Illam
Cultorum melior turba probare solet.

Cydonia.

Pullulat ex imâ radice cydonia malus?
Propagamus & hoc insuione genus.

Perfica & amygdalus.

Fert malè sub gelidâ vim Persica frigoris Arcto :
Fomentumq; soli molle prioris amat.
Si teneræ fuerint, stramenti ambire manipulis
Convenit. Expertum est, sic tolerasse gelu.
Hoc meruit nostris & laus amygdalus oris :
Quam simili juvat à stirpe fovere modo.

Ad Manium villicum.

Arboribus postquam, Mani, conserimus hortum,
Neglectoq; prius malus inheret agro ;
Si qua juvare genus possit cultura novellum,
Aut si quâ nocuus serpere cancer amet ;
Quotidie mecum anquires. Quodcumq; malorum est,
Scrutando sollers tollere cura potest.
Præterea nimium fundo prohibere calorem,
Et circum irrigui spargere fontis aquam,
Neve pecus frundem decerpas, ponere sepem ;
Hoc totum officii noveris esse Tui.

Ad famulas.

Dum famule lolium & spinosas vellitis herbas ;
Sole sub hoc vobis causia tegmen erit.

Ad Manium.

Dum calor ærenteis affligit plurimus hortos,
Vixq; aliquid succi consita malus habet ;
Affundes gelidas, Mani, radicibus undas,
Duramq; irriguo fonte levabis humum.

Parci

Parce operas præstare tamen quâ parte diei;
Torpentes æstu Phœbus hiulcat agros.
Optant non alio pomaria tempore succum,
Quàm quo corporibus longior umbra suis.
Hunc Lunâ perfer consumtâ penè laborem.
Speramus pluuias, cùm nova surget, aquas.]

Ad eumdem.

AUtem nimium, Mani, pluit; aut furit acrior æstus:
Dat pessum cultos sidus & imber agros.
Vnde salus rerum, si Mani nempe meremur,
Castigant atrox hæc elementa nefas.
Non satis est, Mani, colere agrum: est antè colendus,
Qui sua iussa sequi rerum elementa iubet.

Ad eumdem.

TECTA penes gelidas, Mani, quæstivimus undas;
Usq; latens puras vena negavit aquas.
Tu multùm observa, multùmq; palustria tenta;
Si quâ fons placidus parte subire velit.
Signantes geminum, Mani, damus ædibus unum:
Horrorum medio splendeat alter agro.

Ad eumdem.]

SEPTIMA cùm, Mani, cras luxerit hora diei,
Cætus amicorum prædia nostra petet.
Tu malum cinges frundo sæ parjete silvæ:
Quæ sola est genio commoda visa meo.
In mensâ nostrâ ne desint munera ruris;
Cancrorum inquires per scabra saxa domos.

Ad eumdem.

Sepibus

SEpibus invasit fractis primaria taurus:
Et geminâ admittunt per via parte suos.
Ille omnem hortorum latè populatus honorem
Lugentem stravit germine humum tenero.
Mittite alias operas, Mani: nunc erige sepem:
Ne pessum irati plura det ira bovis.

Ad eundem.

FErvente is operas jam m. esus adulta requirit.
Canet ab ætheriâ spica perusta Cane.
Dum puro stimulan in vitat ab æthere Phoebus,
Commoda condendi tempora ruris erunt.
Mani, robustam messorum collige turbam,
Dum negat hoc duci spica mater opus.

Ad eundem.

MEsibus instabis, Mani, de nocte ligandis,
Lentorem quando rore cadente trahent.
Nunc ubi Sol radiis gemitat ferventibus æsum,
Sub sociâ coeat spica revincta manu.
Compositis decimus cum surget acervus aristas,
Lentatum posce me quemq, venire jube.

Ad Manium.

INjecere moras urbana negotia, Mani:
Et voluere Tuam prædia nostra fidem.
Vt caveas, aliquam mea ne pomaria noxam
Contraherent, scis in partibus esse Tuis.
Dum redeo, crevere Tuâ contagia culpâ,
Et seder in tenero fœda patella libro.
Circuit arrosis ramalia carcinus extis:
Et meruit celerem tacta medulla necema

Dum

*Dum quero affectas amoro cortice fibras,
Vnguine Pylumni, quâ data plaga, fore.*

Ad Præst: vir. Ioan. Bochmanum M. D.
amicum de donatâ sibi tabulâ, in quâ
effigies ejusdem!

EN dona illa papyrina, illa dona
Quæ Tu, Iane, mei probas amore,
Atro sepiolæ peruncta succo:
Queis Tu largior assulas rependis,
Querna munera: nempe quæ fatendum est
Scito à peniculo licere pluris.

In δωδεκάθεον cænam Augusti.

CÆsar mitte deos penum vorantes
Romani populi, famelicosq;
Servos pelle domo. Negant Quirites,
Dici Te patriæ patrem mereri,
Aut regno Superûm favere Numen;
Si sumtum facias deos in ipsos.

Nuptiis Ottonis Balfindi.

SÆpe mihi puero ludens Tua Barbara nupsit.
Oscula tunc pupis vanaq; verba dabat,
Tunc caput ornabat, pueris ut sponsa placeret.
Quis dubitet, talem velle placere viro?
Nunc thalamos Tecum veros, Otto, intret: ametq;
Pupos, qui possint ore referre patrem.

Ad lectorem.

ISta probi moris, satis hæc sunt improba, dicis:
Et tamen hæc iterum, rursus & illa legis.

D

Ed

Ede mihi, quare relegas mea carmina, lector?

An Te delectant singula, siue iurant?

Sed Tibi lecta placent, quæ Te fecisse puderet.

Hic mos est Vatum; ludere, non facere.

Calumniari dementium esse.

I*psa suos mores insana calumnia damnat:*

Sæpe, ubi jam cæpit desipuisse, dolet.

Sæpe viros lacerat, quorum de stirpe nepotes

Famosi posthac carminis autor habet.

Et mihi durus erat, cuius post funera proles

Sanior in crimen noluit ire patris.

In Muffulum.

D*as cœnam nobis, & xythum Muffule ponis?*

At Tu non xythum, sed mera vina bibis.

Vtq; bibas tacite, convivio sæpe relinquis:

Et nova surgendi causa subinde datur.

Muffule, non bene tot Tecum cœnamus amici;

Hoc si, quod solus Tu bibis, olfacimus.

De Bavio testatore.

M*illia cum centum Bavius legasset amicis,*

Exheres, dixit, filius esto meus.

Sed quid obætatus nato bona cuncta negavit;

Et dedit hæc aliis, quæ dare non potuit?

De nomine GVSTAVI MAGNI.

G*ustavum nuper dixit sua patria Magnum.*

Addere cur voluit, si satis illud inest?

Plus vel in Augusti converso nomine prostat.

Quo nullum Ausonio majus in Orbe fuit.

*At quia Gustavum non dicimus ore Latino;
Fas erat, hanc Gothicum nomen habere notam.*

Thalamis Ioachimi Vallammeri.

Vallammere, Tuis ridet sors optima tædis;
Propositi dum stat causa tenorq; Tui.
Numen habet melius, quàm quo confisus adulter
Trojus Atridas misit in arma duos:
Qui Grajas acies duxere ad mœnia Trojæ,
Excisum Assaraci sumta per arma domum;
Cessere illiciti flammis ultricibus ignes.
Damnarant turpes Numina iusta faces.
Transisti Syrtes vani securus amoris:
Quò celerem vertit prona juvena ratem;
Aurea neglexti Iunonis regna beata.
Vix juxta positas spreverit alter opes.
O magnam mentem juvenili in pectore! cui nil
Esse probum potuit, mens nisi summa probet.
Læta pia est consors: non qualis ab indice vultus
Arguitur, sed cui res facit ipsa fidem.
Sunt ea præterea, quæ non contemnere possis.
Ducitur è viduâ patris Elisa domo.
Lustra duo jam sunt, matris cum funera flevit.
Tutata est viduam per duo lustra domum.
Dat genitor dotem: quæ si non maxima dici
Possit; at est satis hæc, si satis ipse Tibi es.
Quæq; illi facies, si non pulcerrima, pulcra est.
Specta animum: poterit Tyndarus esse minor.
Gratulor æquales tranquillo fœdere tædas.
Vix optem: minus est, et am bene velle Tibi.

Ad convivas.

Hanc mihi vina diem, convivæ, dulcia frangent,
Implebitq. meos uva Latinâ cados.
Mittite quæ vestras obducunt nubila frontes:
Inter vasa frequens parva culullus eat.
Replete urceolos siccos, & poscite vinum,
Quodcumq. in totâ nascitur Italiâ.

Ad M. Barth. Vilelmium P. P. Regiom.

Interavit nostros matrona decora Penates
Hos memorans, conjux quos mea narrat, avos.
Hinc didici ad finem Te, quo ducente Magistro
Erudit mentem eulæ Toruna meam.
Vilelmi à dIs est, ut pectora nostra coirent,
Pristina famineam jura novasse fidem.

In Ponticum.

Posico capitis calvaster, Pontice, fias;
Extemplo totus, Pontice, calvus eris.

Solidam è literis gloriam affectantem cum rerum
scientiis lingvæ studia conjungere debere.

Quisq. amat doctæ subsellia prima cohortis,
Cum rerum studiis optima verba probet.

Ad Manium villicum.

Frigoribus, Mani, crustas duxere lacune:
Integit & vices multa pruina meas.
Ne noceant tenero subeuntia frigora ligno,
Sed placidos succos dulcior uva trahat;
Da sulcis, circumq. fove: nec parce labori,
Quem parte hac cœli Parrhasis Vrsa probat.

Brassica.

Iuxta

Iuxta Lenæam seritur malè brassica vitem:
Si qua fides, cui tam sobrius hortus erat.
Capreolos olerum foliis mea vinea nectit.
Quàm sæpe hoc dico: vana ea lingua fuit.

Quercus in agro F. F.

Vidimus excisa coeuntia robora quercûs.
Transit hæc ager matre iubente puer.
Hæc ego nescio, quæ sequior miracula sexus
Suspiciat. Puerum convaluisse ferunt.

Ad Manium.

Grandibus autumnus donat me septimus urvis:
Et Tua, Bacche, omnis munera vitis habet.
Vna sed hæc superest, tot Mani astra per annos
Ingentem sterili palmitè ferre comam.
Parte seres aliâ. Si curam spreverit ultra;
Ingrato nolim pondere sudet ager.

In Iuliam.

Vestitum toties mutas malè, Iulia, dixi:
Et frustra sumtus tot periêre Tibi.
Cum me fors reliquis componat a vita puellis,
Me cultu dignam simpliciore putes.
Sic inquis. Sed cum tua mens, quæ lubrica, nunc hoc
Nunc illud reprobet, Iulia; non levis est.

Ad Tironem.

VT, quaecumq; legis, memori quoq; pectore serves;
Fac plateant animo, dum legis, illa Tuo.

In Ponticum.

Est modus argente, nostros ut profici in usus
Tu sine fine tamen, Pontice, quæris opes;
Sic emis ut nemo si quid sit carius uno,
Luminibus sedeat plurima gutta Tuis.
Sic quò plus augent nova vectigalia censum,
Hoc minus obscurâ nocte quietis habes.
Pontice, semper eges: & quò Tibi copia major,
Hoc stomachum victu pauperiore domas.
Esse hoc cum nolis, quod idem tamen esse laboras;
Anticyram mitti, Pontice, dignus eras.

In Christophorum.

Christophore, hoc ipso si non vis nomine dici;
Cæli feri Atlantis nomen habere potes.

In Hattonem.

Grandia cum stupeant alii molimina rerum;
Miramur libros non tamen, Hatto, Tuos.
Absumis vigiles in scripta ingentia ceras.
At risum è doctis quilibet inde capit.

In Lippum.

Dum virtute cares, aliquid tamen esse laboras?
Lippe, gener debes principis esse viri.

Ad Magnif. & Nobiliss: Dn. Ioan. N. ab Ahausen
Com. R. Gen.

Trastant, Iane, mei Tecum diversa tribules:
Rem patria, leges, bella, tributa, modum.
Delectant placida nos otia sola Camænae:
De solis loquimur (sic ais ipse) libris.

Nicodama, mecum hac aeterno transige p. Ato.
Exanimant Musas dura tributa meas.

Parcendum teneris auribus.

Verba morient animas: verbis corrumpitur etas,
Qua nullum verbis credit inesse nefas.
Vos teneras patres hac instillate per aures:
Semina quæ morum, quæ pietatis habent.

Anum ducendam non esse.

Quisquis sollicitus gaudet tabescere curis,
Seq. cupit lentè perdere, ducat anum.
Horrent Tartareos mortalia pectora fratres:
Rixosam Strygius Iupiter horret anum.

In Improbum.

Tu licet usq. meam fugilles, improbe, famam,
Et famam captes nominis inde Tui;
Non tamen in versu stabunt Tua nomina nostro:
Nec leget hæc per me, qui mea texta leget.
Sis aliquid, sis hoc in curia Glaucidos orâ,
Pectora dum cælo me peregrina vehant.

In suturem.

Aspirat quidam civiles sutor honores:
Iamq. ambit fasces, & loca summa petit.
Seulte, quid adfectas? non rite hæc munia sutor
Tractat, & ad clarum non bene cerdo sedet.
Quod potes, hoc aliquot sutores discitis annis.
Rem populi rectè, qui didicere, gerunt.

LIBER III.

Ad Magnif. & Nobiliss.:

Dn. Ioannem Nicod. ab Ahausen Commifs.
Reg. in decurfu anni M. DC XXXIII. pro fe-
lici instantis ingreffu.

Annus in anguigerum redit actis mensibus orbem:
Incipit & caelo longior ire dies.
Vota volant paffim. Tibi fingula, Iane, precamur,
Quae populi major, quae folet ordo minor.
Hoc addam. Vixti feptem cum conjuge menses.
Annorum virides vivitetor decadas.

Pauperum mores & vota.

Pectoris angufti mifer eſt, nec cogitat amplum,
Deq; cibo & potu pleraq; verba facit.
Quid noxae in famulo, quid in ipſa conjuge, narrat:
Et modo vicini de vitis optat opes.
Dilutumq; bibens, quoniam dicit plura negaſtis,
Cum pane hoc rubido fit mihi ſemper ait.

In Ifaldam.

Moris, Ifalda, probi vir nil deſideret in Te.
Sunt & quae ſummis laudibus ipſe vebat.
Cum redit alma dies, veneraris Numina votis:
Fundis ad hac ſanctas Solo cadente preces,
Fida Laris cuſtos, conſors jucunda mariti
Nata domi relevaſt tedia, nata foris.
Proq; modo rerum turba miſereris egeae.
Non dici pietas ſic Tua fiſta poteſt.

Non

Non probat hoc unum, forsan damnaveris alter;
Quòd meliore canes pascis, *Isalda*, cibo.
Hunc quoq; da miseris, misera dum copia turbæ est.
Major, *Isalda*, *Tua* laus pietatis erit.

Ad mentem suam,

cùm etiam ab amicissimis desertus esset.

Desine Te vanis, mea mens, turbare querellis.
Namq; minus patitur, qui bene ferre potest.
Siq; *Tuam* in sortem demissum Numen ab alto
Nil temerat dicti; crux *Tua* lenis erit.
Fide Deo, quas sumq; Larem committe jubenti.
Si neq; sic fallit; sub cruce palma *Tua* est.

Ad amicum cùm census ageretur.

Parce Larem exiguum lautis componere fundis.
Patribus annumeror: sed mihi census abest.
Sorte premor *Vatum*: sunt turba miserrima *Vates*:
Nec semel attritas fors vaga reddet opes.
Quid me sollicitant æti feliciter anni?
Ter mea funestores lacerata rogo est.

In quædam suorum Poematum.

ITe malè excepti quondam mea cura libelli:
Ite procul: rapidi vos ferat unda maris,
Aut fera *Sicaniis* depascat flamma sub antris:
Nec cælo reddat lux qua vel aura suo.
Fortè quis hæc olim populi jactabit ad aures,
Se penes ingenii, tædæ latere mei.
At nota sit nostri nota sit certissima versûs:
Autorem in *visâ* non tacuisse suum.

E

Ecre

*Ecce quod ingrari poterat superesse laboris,
Igne cremo, flammās hac animante manu.
Hei, mihi! cur nostros ignes & flumina lusus,
Quis vitam melior causa dedisset, habent?*

Elbinga ad vicinos.

*Q*uid meus admisit, cognata Borussia, civis?
Quæ veteres geminat tam fera causa fates?
Tu nostris letare malis, aut se va minaris,
Aut Laribus metuis si qua timenda meis.
Te spectra & diræ, Te visi sanguinis imbres
Communis poterant admonuisse mali.

In Longurionem.

*O*mnia, Longurio, Tibi sunt longissima. Non hoc,
Peccarunt quoties inguina, lingua tacet.

De Paullo.

*P*aullus Aristotelem jam triverat atq; Platonem:
Iam veteres omnes legerat Historicos.
Volverat & patrios complexa volumina Reges,
Et quicquid geminâ parte Thuanus habet.
Accessit Latias ac quas Arar alluit urbes,
Et curto didicit mollius ore loqui.
Non tamen esse potes, dixi, quod Paulle laboras.
Civilem cultus Te Tuus esse negat.
Vestibus est usus, quas qualibet aura pererrat,
Ac cubito refluas secula nostra probant.
Suntus & est capiti spatiosa pileus orâ:
Quaq; subest mento, barba tetendit acum.
Exteriora dedit ferri per tempora cinnum.
Civilis populo iudice Paullus erat.

In Obtrectatores.

Sustinui dudum vestras, mala pectora, linguas.
Cedite. Robustâ sumsimus arma manu.
Non vincar numero. Nam pro me Numina pugnant.
Pars animos implent: pars mea tēcta fovēt.

In V. Emblemata vexillorum R. S.

In Coronam.

Quamvis honor Regni, cujus diadema sub unum
Consona diversa pectora gentis eunt!

In Pomum Aureum.

Sunt validæ vires, & firma potentia Regni est,
In se Orbis faciem quod redeuntis habet.

In Sceptrum.

Regibus afferuit terras divina potestas.
Hæc sceptra, hæc leges imperiumq; dedit.

In Gladium.

Pœna sit ut scelerum, ne sint sine vindice justis,
Terrarum dominis tradidit arma Deus.

In Clavem.

Portarum claves hūc desuper annuit æther,
Prælia pro causâ qui meliore gerit.

Laus villa Stutofiana

in Neringiâ Borussix littoralis insulâ.

Ipsa locum eligeret Venus hunc Amathunte relicta:
 Quem coluere Patres, Urbs Gedanea, Tui.
 Hinc Habus, & septem discretus in ostia ripam
 Abluit & placidas Istula volvit aquas.
 Inde ab arenoso Neptunum esse cernere clivo:
 Nec procul esse tutum litus, & unda maris.
 Colle sub umbroso, tumidum qui despicit æquor,
 Nereidas vidi ruricolâsq; deos.
 Vidi ego, cum tacito fleret Rex æquoris antrum
 Alcyonen veteres Laodicenâq; faces:
 Phorcydâ cum caneret formoso crine Medusam:
 Qualis erat, nondum cum ferus anguis erat.
 Illo sæpe nurus sibi Danti scana placebat,
 Sive parem studiis seu comitata virum.
 Sæpe graves animi nemorum jacuere sub umbrâ,
 Membraq; gramineis composuere thoris.
 Tunc festos egere dies, curisq; solutis
 Prolapsi ad molles vina bibere jocos.
 Inter purpureas radiant heic succina conchas:
 Quemq; foco mittas, copia piscis ades.
 Mollior è fluvio esse, si munera negligis alii,
 Et fulicæ pingues & fluvialis anas.
 Gratarum pinus inter sunt lustra ferarum.
 Heic nata fruges dant Cereale merum.

Convivium insipidum.

Accubui mensæ cari invitatus amici.
 De dapibus queris? multa ferina data esse.
 Non illum, quem donat Arabs, spirabat odorem.
 Fœtor erat, qualem nulla latrina ferat.
 Adde quod hoc fugimus, Regum quod mittit ad aulas,
 Seroso quisquis retia tendit apro:

Cornigerum cuius sternunt venabula cervum,
 Quis, feræ primâ de nive signa notat.
 Vidit dissimulans stomachi fastidia nostri
 Hospes, & heic nigrum jus Tibi, dixit, habes.
 Sangvis erat tenui leporis cum viscere coctus.
 Abstinet à quovis nostra cruore domus.
 Sensit & hoc, pernamq; dedit: quâ prandia nosti,
 Calliope, Vatem ducere saepe Tuum.
 Visa quidem procul est regali digna palato:
 Ut tamen admota est, foetida tota fuit.
 Corrosæ partes hærebant ossibus ægre:
 Sub pulpâ turbæ busta nocentis erant.
 Ipse mihi massæ ponebat olentis osellam.
 Quam stetit ambiguo tunc mea vita gradu!
 Non dubito in facie nullum mansisse colorem.
 Corripuit subitum nam mea membra gelu.
 Cantharon aptabam vires sumpturus ab haustu.
 Potus acetosi vappa saporis erat.
 Olfeci primis immitia pocula labris.
 Vidit & hoc ipsam, meq; bibisse nihil.
 Quid Tibi vis, inquit, si respicis omnia? dixi:
 Ne peream, mensas aufer, amice, Tuas.

De urbe quâdam Borussiae.

O Tia lenta satis si quæris, amice Bahuri;
 Quâ medium terræ est, rura Borussia petes.
 Vrbs illic, quâ nil aliud rogat incola civem,
 Quam quota post sumptas iuverit hora dapes.

In album Medici.

S Crutari fibras hominum, rem mq; latebras,
 Humanæ vix est conditionis opus,

Plus est affectæ medicæ succurrere parti,
Et ferre optatam, cum rogat æger, ope m.
Vivet ab hac famâ semper Philyreus heros,
Dlsq; draco superis par, Epidauræ, Tuus.

Ad Iuliam.

Dura prociis fueris; durissima, Iulia, ne sis.
Si fieri poteris; laus Tua major erit;
Cum Tibi sit facies, quæ Cypride digna fuisset;
Supplex sit formæ nostræ juventa Tua.
Ferreæ si perstas, si nemo litaverit olim;
Tot juvenum nemo sacrificare volet.

Ad Thurium pædagogum.

Odisti si quos Mystarum insania ritus
Cecidit: hosq; sequi corda tenella vero.
Ne tamen antiquas fraudes hæc nesciat ætas;
Errorum causas materiemq; doce.
Quid metuas fictos Grajorum tradere divos,
Ne prolem imbuerint sacra profana meam?
Nil Hippona suo temeratum in Presule vidit.
Legit hic Hætruscos Æmoniosq; libros.
Respice Tarsensem, qui raptus ad æthera, Paullum.
Voluit & hic Vatum carmina, resq; deum.
Non potuit non nosse Iovis vel furta vel astus,
Quicquid & ascriptum de Ganymede fuit.
Sæpe ubi Gnosiaci selegit dicta Poetæ;
Legit & Egiocho vota sacrata Iovi.
Non sapiunt fatuos, Thuri, mea secula Cretas:
Ridet ad Europæ virgo puerq; bovem.
Sunt qui Grajugenas audent proscribere Vates.
Quid fiet, Thuri? manca Poesis erit.

Familia exsucca.

VRbe meâ domus est: quam cum consorte maritus,
Et quatuor fratres, & soror una celit.
Suntq; ministrantes pueri duo, totq; puellæ,
Sub Lare quæ curant interire focum.
Tam gracilis turba est, ut pugno presseris uno:
Nec, quantum cucumer succi habet, exprimeres.

In dicasterium.

Hæc domus est Themidos: quam dissona turba frequentat:
Quam dolor & livor lûq; sonora subit:
Quæ tetricæ plectunt commissa piacula leges,
Ac scelere statuunt reddita jura modum,
Parsq; ITA pars NON EST dubio sub judice clamant,
Et jurat attonitos vendita lingua reos.
Hic locus Aoniæ nescit secreta Camæna,
Aut nemora & fontes lene-sonantis aquæ.
Iste mihi strepitus jam quintum terminat annum.
Solvite me, Patres: detur abire foro.

De Myrtillo.

AVre caret dextrâ Myrtillos, non caret auro:
Deq; viro fama est ebria: dives homo est.
Ajunt formosæ complexibus esse potitum.
Munus id est auri. Nescit ab aure dari.

In Fresium.

Versifices corvos miraris, homuncio Fresi.
Nil mirum, Phæbi fingere carmen aves.
Te potius miror promittere maxima, Fresi.
Nil miror, curtam Te genuisse fabam.

In Muffulum.

Socraticum quid habes: certè hoc es, Muffule, vultu:
Nec Tibi Aristotelis, Muffule, gibbus abest.
Sunt & Aristonidis scapulae cum pectore latae:
Suntq; aures, Flaccus: quas putet esse suas.
Hac laudatorum cum sint Tibi membra virorum;
Nec formosus homo es, Muffule, nec sapiens.

In coenam Alpidii.

Alpidius coenam nobis dedit, abstulit agrum.
Ne posthac tanti coenam ego, caeno domi.

De Eurydamante pugile.

Posset ut Eurydamas (palmae quæ tanta cupido?)
Victorem ingenti laude referre pedem;
Sorbuìt excussos hostili verberè dentes.
Fugit ab hac luctâ sensus & ipse dolor.

Sacerdos & Eques litigantes.

ET Mystes & Eques tractabant praelia lingvis.
Dumq; Equiti non vult cedere Mysta Dei,
Subjicit: I, cura pistollas, improbe miles.
I papa, postillas excute, dixit eques.

In quemdam.

Quid Tibi cum viridi, cantorum pessimè, laurus est?
Quid clypeos ornat dives oliva Tuos?
Quis Sole mergens Vatum Te miscet acervis?
Quid commune meæ deniq; laudis habes?
Mitte leves motus: sunt hæc insignia Vatis:
Quæ stirps aeterno munere patris habet.

Elbingæ incolam quid nosse oporteat.

S Armaticos nescire sonos, moresq; Gorborum
Elbingæ, est animâ penè carere viri.
De lingvâ reperio caros monuisse parentes.
Non potui in duros flectere labra sonos.
Quid prober Arctoo genitus sub sidere, novi.
Simplicitatis amans fasq; fidemq; colit.

Ad Iuliam primâ hieme.

A Dispice tam fluxum silvæ frudentis honorem :
Vtq; pruinoso terra sit alba gelu.
Transfrêre dies, quibus esse sub arboris umbrâ
Dulce erat, & molli ponere corpus humo.
Iulia, si formam Tibi flos dedit integer ævi ;
Auferet hanc ætas, aut citò summa dies.

Ad eandem.

Q Vâ placeas in veste mihi, mea Iulia, quæris.
Ingenuè dicam : plus mihi nuda places.
Sed Tu de tunicis, de cinctu Iulia quæris.
Quâ satius placeas, hæc Tibi vestis abest.
Sume, quibus Circe corpus velabat, amictus :
Qualibus est Doris, qualibus usa Theris.
Pelea cum sensit, jacuit non nuda sub antro.
Iulia, crede mihi : talis amictus erat.
Induitur tali, qui regnat sorte secundâ,
Et maris immensi Nympha secuta deum.
Miserat hanc Lario Memphis Nilotica telam :
Romana populo quâ placuere nurus.

De carminibus Fatisci.

F

Ædibus

Æ Dibus incensis, quas incolit advena Marcus,
Iam valida affusis flamma resedit aquis.
Mansit hero res salva suo: periêre Fatisci
Carmina. Quàm mendacè condidit autor opus!
Scribere fert animus, qua non ferus auferat ignis.
Hæc (bene si memini) cæpta fuêre libri.

De urbe quâdam Borussîæ.

O Ra Borussia habet præclari nominis urbem:
Quam patrii totam fluminis ambit aqua.
Pridem opus inceptum nunc est in fine laborum.
Vndarum satis est: jam mera nemo bibit.

In cauponem ejusdem urbis.

C Onqueritur caupo, cellam subsidere in undas.
Res facit ipsa fidem. Diluit unda merum.

In Popponem.

P oppo in me ridet, quod non damna verit alter.
Non mirum est: mores ar delionis habet.

Ad Magn: & Nobiliss: Dn. Ioan. N. ab Ahausen C. R.
inter intensissimos calculi dolores.

I Ane, meos dignum pectus trutinare labores,
Seu nostrum vivat seu moriatur opus:
Da veniam, si non sapidum liba vero Tecum
Nectar, & ambrosias nocte ruente dapes.
Æger & affecto geminos traho corpore soles.
Quâ spina in lumbum desinit, excrucior:
Nostra crucem patriâ dicit Germania lingvâ:
O quantum est, illâ parce dolere, crucis!
Querimus innocuos Medicis fraudentibus haustus.
Quod gelido coxi sub Iove, crimen habet.

Qui

Qui leges nostræ qui mœnia condidit urbis;
Te potu Cereris limpidiore beat.
Candide Nicodama, non hunc grauis amphora poscit:
Da mihi, quod releuet terq; quaterq; sitim.

Ad eundem.

ME miserum, quantos cogor perferre dolores!
O utinam hæc vitæ summa sit hora mea!
Sic ego: cum molli posui mea membra grabato,
Et stetit ante meas turba ministra fores.
Attulit hæc Libycum, Rhodium manus altera nectar:
Illata est thalamo bina lagena meo.
Sic voco, dum Venetæ dum nostræ nomina lingua
Horreo, littoreus quod Tibi Teuto coquit.
Quid, rogo, vester herus? languet, retulere ministri,
Non requies illi nec sopor ullus erat.
Ad superos primum nisi mea vota benignos:
Sit saluum hec, dixi, Numina magna caput.
Inspexi fusos exin Tua dona liquores,
Et Medici sumsi de præeunte manu.
Est dolor, est ingens! discam tolerare ferendo.
Vix aliquâ in noxâ, quod toleramus, erit.

Quales Ecclesiæ ministros esse deceat.

Verba docete viri, data queis Mystéria Verbi;
Vestraq; promoveat vita salutis opus.
Commendet vestrum diuina modestia pectus.
Qui Christi comes est, ambitione vacet.
Turpe est Pastori, qui curat ovilia Christi,
Mentiri titulos, & dare verba gregi.

In Oddonem.

Hoc quod habet spernit sexagenarius Oddo.
Ægrotat: spernit quod suus hortus habet.
Iam Syriæ ficus, jam poscit apyrina Mauri.
Ægrotet melius Syrtibus in mediis.

Ad Ampliis: virum Georg. Lardingium
Secret. Judiciij Regii.

Opime Lardingi mihi juncte prioribus annis,
Cujus adhuc nostro pectore durat amor,
Quei porrò factum, quòd nullo jungimur usu?
Non temerata fides, nec via longa facit.
Sepe teris soceri vicinum limen amico:
Cur nostram ingrederis non aliquando domum?

Ad Nic. Cosmium.

Igne novo sudat fugientis portitor Helles:
Soleq; jam Pisces frigida signa carent.
Pone graves curas, dum vernant infera mundi;
Dum ridet, Cosmi, Phæbus in orbe suo.

Vencefilao Clementi Poetæ clariss.
amico.

Vsq; lates Clemens? quis Te regit angulus Orbis?
Orane Te Batavis, sive Britannia fovet?
Seu Te Gallus habet, qui fœdera nostra secutus
Austriacas duro Marte fatigat opes?
Hæcne fides Tua rite data est? si plura recusas,
Vivit adhuc Clemens, tot tamen ede notas.

In Aulum.

Ipse mihi videor non esse Politicus, Aule.
Aule, quid hæc mussas, quæ mihi nota satis?
Crede tamen, me cras, quod jam negor esse, futurum,
Si mihi rex dederit, quæ Tibi verpa dedit.

LIBER IV.

Ad Magnif. & Nobiliss: Dn.

Ioachimum Transhium Residentem Regium
in aulâ Brandeburgicâ.

ERige Te, mea mens: & adhuc sunt Numina cælo,
Atq; anima terris, quæ Tua texta probent.
Nec Te jam solus, Gothicis qui præsidet armis
Aferit Axelius, Nicodamasq; Tuus:
Accesit tanto pietas Transæa favori.
Pergere quid dubites? Te Charis omnis amat.

In Merlinum.

Serta, sibi carâ qua primus ab arbore Phœbus
Sumserat, Augusti munere dantis habes.
Esse putas aliquid. Certe, Merline, putabam.
Penè mihi opprobrio est, hanc habuisse fidem.
Vidi ego laurigeros sed magnâ mente Poetas:
Et, Merline, Tibi simplicitate pares.

Ad comites in viâ.

Surgite: jam nocti cristata renuntiat ales.
Hac statione procul, quam via monstrat, abest.
Ecce intrat vitreas clarum jam mane fenestras.
Heus puer, est saturos jungere tempus equos.
Pro tenui potu stramentisq; exigit hospes.
Solvite: ne nostrum caupo moretur iter.

In domum quamdam.

NE Te decipiant formosa palatia tecti,
Ut credas totâ crimen abesse domo.

*Illam quidem Nini vel conjugem digna fuissent.
Hoc male, quod propius nemo tacare potest.*

In quemdam.

*Cum Myssis aliquid commune fore Poetas
Dicis; & hinc optas fœdus inire meum.
Est aliquid certè, quo nos conjungimur uno.
Est quoque sunt Mystes atque Poeta pares.
Vis illud? nemo Vates impune lacescit:
Nemo Dei Mystas. Aspera turba sumus.*

Ad Biancam amicam.

*Ama Te, Bianca, quis Tibi dixit,
Amathuntiam senile pectus odisse?
Cuique albicat rarus capillus, hunc castris
Arcere militem? Bianca, tam falsa es,
Quàm Mulciber, formosa cui datat Cypris,
Vtrogue temporum tholo satis canet.
Puerine garruli, Bianca, complexu
Aut osculo robur virile metiris?
Viridis senecta tolerat æquius Martem,
Nec lenta succumbit: fatiscit hæc ætas,
Cum fidetis nimium, puellula molles,
Calor ut resedit incitus. Sedet virtus
Hæc pectorum compage, quam ferox cingit
Acinaces & baltheus, decens vestri
Ardoris acrem pertinaciam. Nempe
Rigente mento offenderis. Calet pectus,
Subque umbilico sæpe quod riger. Scis Tu.
Nec hoc, Bianca, astrictiore si nervo
Riguit, Priapi testor inguen, occentas.*

Ad eamdem.

Ela, cara Bianca, Tunc quæstas es,
Morosum satis esse me Poetam,
Quod nec Bilbilicæ salern Camenæ
Defricem, neq; de Catulliano
Sumam particulam trahamq; naso,
Nilq; Marmaricæ venusta Musæ
Ad deliria conferam leporum?
Morosus Tibi sic Poeta dicor,
Simil nequitius Catullianis,
Doctis nequitius nec inficetis
Apponas olei Zameliani?
Ne Tu ne redigas ad hanc amussim
Divinas animas, Bianca, Vatum.
Ne Paratonii modos Poetæ
Decurram tenero leviq; plectro,
Neu naso olfaciam Catulliano,
Aut quid Bilbilici frequentem aceti,
Conantem prohibent gravis cothurnus,
Et vitæ ratio severioris.

Ad eamdem.

Siquid, Bianca, me voles; Tu jufferis.
Per supplices ego obsecrabo Te preces,
Præstare si Te veluerogratum mihi.
Sed feceris, ut sis mihi exorabilis:
Et hoc, Bianca: Si quid imperaveris,
Id tale sit, quale impetrari optaverim,
Atq; impetrem per mille supplices preces.
Iube, Bianca, ut Te osculer ter & quater:
Iube deinceps, s'vavies Te ut amplius,

*Et si quid amplius voles. Da mi obsecro
Mille osculorum. & quod rogare vero amplius,
Per mille quamvis milleq; alteras preces.
Quam grata res, rogare multum & perfrui!*

In Nursium.

I*Nvitas numquam, nisi pulcra corallia, Nursi,
Aut virides smaragdos lasponychasq; roges.
Aut petis argentum, quod nobis abstulit alter:
Quove gravat loculos functio lauta Tuos.
Invita Crassos, si sunt Tua prandia rami.
Has Tibi promitto, quas dabit Irus, opes.*

Ad Biancam.

A*N satis esse negem, si reddas oscula nobis;
Nec des, quod deinceps posco, Bianca rogas.
Naso mihi est autor, si non & cetera sumam;
Qua dederis, dignè non potuisse dari.*

In Pipillum.

Q*uid Capuam vidit, Cumana quid antra Pipillus?
Quid calidas Bajas, ingeniumq; loci?
Quid carneâ sedit, populi quâ reddita vox est?
Applauditq; sua maxima Roma duci?
Quid stupuit, si quas attollit Hetruria moles?
Quid Venetas arces, Ioniosq; sinus?
Quid populos adiit prono sub Sole calentes;
Templaq; descripsit, marmoreosq; deos?
Non habet ipse Larem. Posuit nova limina nuper:
Imposuit rectum. Proruit aura domum.*

Ad Biancam.

Sequitur

Sequitur heic Iov. Pontanum in Hendec. ad Hermionem lib. II. Bazarum.]

PRadico : tege surulas, Bianca:
Nec coram tenerum pedem revinci.
Ne pectus juvenum flagrans laceffas.
Me quem prima facit senecta tardum,
Cuiq; æstus prohibet ferociores,
Irruas pede purpurante : qualem
Alcè prostituis, tenusq; crurum :
Dum puram soleas nivem æmulantes
Astringis ligulâ nitente. Quare
Prædico : tege surulas venustas,
Nec leva tunica fluentis oram,
Ut liges soleam tenace vinclo.
Nam quid purpureus color renidet
Ornari pedis, infimæq; plantæ
Albens calceolus, vagæq; circum
Lato fasciolar virore tinctæ,
Auro fasciolar rigente pictæ,
Illa fasciolar pedis superbi,
Illa fasciolar pedis superbæ ?
An vis dicere : comprehendere suras ?
Numquid hoc quoq; : tange crus supremum,
Admissâq; manu sinus pererræ ?
Tene attollere floridos amictus;
Atq; ostendere, quod tegunt amictus;
Formosas sceleasq; calceosq;
Talorum orbiculosq; surulasq;
Totum deniq; crus, genuq; eburnum ?
Hoc est dicere : sume, sume : cedo.
Hoc est, prolubium ciere amantum.
Quare aut contege surulas venustas,

G

Nec

Nec coràm te reum pedem revinci:
Aut senex licet hæc & illa tangam,
Et quæ vadet amor jubetq; sumam:
Ne possim Tibi segnior videri.
Posses Nestorem movere penem,
Vt cum sustuleris pedem elegantem,
Arrepto pede se in sinum penetret.

Ad Dianam.

Cum Tibi rete sit hoc Dictynna, quod arma Gradiuo,
Fortius & possit Mars jugulare feras;
Sola quid aggrederis nec cognita lustra ferarum;
Nec Tecum comes it, qui gerit arma, deus?

Ad amicum.

Venit, amice, meas modo vir digressus in ades:
Cui vaga caesaries, splendida vestis erat.
Pendentes manicas ex auro limbus obibat:
Pelle pedes nireâ cinxerat, ense latus.
Esse putes aliquid, ne parvæ fortis alumnus.
Nulla fides vestis. Ludimagister erat.

In Buphilum.

Qualis gleba mei sit ruris, Buphile, quæris:
Lanigero vireant qualia prata gregi.
Quale piscinæ sint cum salientibus undis:
Qualibus assurgat cædua silva jugis.
Denique quot capitum pecori quàm grande sit uber.
Ipse Tibi graves, Buphile. Vendomihil.

Ad Musam.

Musa jaces; quàm vis mirentur carmina Reges:
Quàm vis nostra legant carmina, Musa jaces.

Arma

*Arma ducum cecini, partosq; ex hoste triumphos,
Quicquid & optata munera pacis alunt.
Sæpe suâ fessum demulsi Cypride Martem.
Laudarunt Reges: at mea Musa jaces.*

Ad villicum.

Villice, vade foras. Quid Tu mea prædia cures?
Iudice Te præsent cornua longa bovem?
Vnde Tuum hoc sapere est? quis erat, qui somnia primum
Venderet hæc animo, villice barde, Tuo?
Rectius è culmo fecundam nôris aristam:
Rectius è foveâ, quam tegat illa feram.
Res alia est, taurum si cornibus anteit urus:
Immani superat tergore, ventre, thoris.
De cicare armento, de pastu, Villice, sermo est.
Tu validum è cornu conjiciis esse bovem.
Erres de patriâ, de totâ stirpe Tuorum;
Rem pecoris nosces, munere dignus eras.

Magnif: & Nobiliss: Dno

Ioan. Nicod. ab Ahausen Comm. R. Gen.

Venisti, & nostros potuisti spernere plausus?
Mittere nec reditus nuntia signa Tui?
Improvvisus ades: nec si gratissimus adsis,
Te rediisse domum, rumor in urbe fuit.
Candide Nicodama, cum forte monerer ab uno,
Qui fugit hæc, dixi, jam puto Numen habet.

Ad Musam.

Salvus ades, cujus didicisti Musa favorem,
Nicodamas: Teuto quem colit, Arcios amat.

Reddidit hunc heros, quem Martia signa moventem
Suspiciunt eadem pectora si ve timent.
Queres ex ipso, quàm rectè transigat ævum
Ille, aliquid nugas qui putat esse meas.
Hoc quoq; quàm conjux, quàm filia parva fruatur
Hoc love, quàm soceri sint sine nube dies.
Deniq; si curis gravioribus eximat illum
Lux qua, Tuo Vati possit an hora dari?

In Papulum.

IVs populo dicis: dictat Tibi, Papule, conjux.
Mittimus uxori munera nostra Tue.

In Nigellium.

Esaxis nostrum genus asseris esse, Nigelli,
Et grati quereris moris habere nihil.
Aut Pirrhæ jactus responsaq; mitte Themistos,
Aut nihile menda. Quid Tibi saxa dabunt?

Ad cives Elbingenses.

QVamta, viri, nostram contagio venit in urbem!
Momento periit dimidiata tribus.
Ne tamen, ô cives, animis horrescite totis.
Explebant totam pectora bina tribum.

In quosdam militum præfectos.

Pectora vestra rigent: riget auro vester amictus:
Et riget à multo frigore calo miser.
Ille quidem non his, quæ portat, idoneus armis
Extenuata fame membra siciq; trahit.
At vos luxus iners & comæ juvencula frangit.
Hoc est, ut pereas, perdere Regis opes.

De Servatoris nostri dicto, quo puerorum
similes nos fieri iubet.

Esse puer voluit, qui nos infantibus aequat,
Quos quot suspicimus, quem colit ille, polum.
Mute, anima, excelsos motus, excelsa professos.
Qui pueros sequitur, verius astra sapit.

Ad virum Præst. Daniel. Visnerum M. D.

Postquam defuncti laudes celebrare receptum
Ædibus in sacris; Tartara nemo peter.
Sint, quos Lethæum transmittat portitor annem;
Flectet ad Elysium tota cæterva nemus.
Nil valet in crimen, quod avarum mergeret Orco:
Ad cælum recta fur & adultereunt.
Arduus est æther. Metum hoc, Visnere, putabas.
Quæ cælum aspirat, mens ea labe caret.
Ut pereant miseri, quos talis buccina movit,
Se quoque non dubitant posse placere Deo.

Clariss: viro M. Balth. Voidio Past. Eccl. Elb.

Tu ne Heliconæ meo ponas in corde, Voidi,
Inconsumq; deum, Castalidasq; novem?
Et rotidem fontes, quot turba Poetica Musis
Consecrat, & laurus Aoniumq; nemus?
Parce, precor. Non hanc capiunt mea pectora molem.
Tot rerum nobis vix levis aura data est.

Præstant: viro Christoph. Reimano Past. Eccl. Elb.

Ad Te promitto. Tu nostram admiseris umbram.
Umbra mei ingenii est: non erit umbra gravis.

*Pone dapes modicas, & vinum simplicis uræ,
Aut in quonaticorda Borussia sumus.
Scis animum geniumq; meum, Reimane, quid urat.
Luxum odi: moris sit Tua cœna mei.*

In album politissimi viri Christ. Alti Ecclesiastæ Elb.

A*N Tibi vis nitidos maculem, vir culte, libellos?
A gruibus didicit pingere nostra manus.
Vis num, quale canit permixtus oloribus anser,
Apponam doctis carmen agreste modis?
Hoc amor, Alte, tamen Tuus in me poscit & urget.
Accipe, quod varum quod triviale damus.*

In Roman.

Q*Vid Capitolinus Romanis profuit anser.
Dum strepitu Gallos dixit adesse suo;
Si, postquam Latium moverunt scripta Lutheri,
Anseris ad calamum Marcia Roma paret?*

Ad Patres Elbing. Coll. amicis.

S*orte suâ varium salvi tamen egimus annum.
Sint placide mentes, ingrediente novo.
Mite meum ingenium est: qui nulli admissa remitto.
Vestrum in me, Patres. Nulla fuisse puto.*

Thalamo Pauli Gedeonis.

P*aullo Flora datur (fatis vos credite amantes).
His tandem Paullo credita Flora suo.
Sed hiemes frustra pugnabat concita mater,
Cedere septenâ messe coacta Deo.
Ergo, inquit Gedeo, pulcros solvamus amores;
Quid feci? generum Te volo, mater ait.*

Reverendis & Claris: viris M. Ioanni Fortumano
P. L. & S. S. Ministerii Varnigerodæ Seniori: nec
non Balthas. Voidio Pastori Drubecensi
ad Bructerum.

Non ego nunc curis dicar placuisse Poetis,
Si Fortumano Voidioq; probor.
Fama mihi vestros retulit non sola labores:
Vidi ego, quo Fama venit uterq; domum.
Vivite vos animæ: quarum mihi sufficit unguis.
Tu mihi Calliope, Tu mihi Phœbus eris.

Iano Burcardo P. C.

Si tenero gaudes inter convivium turdo,
Burcarde, & casi parte recente bovis;
Succedes nostro sub prima crepuscula tecto,
Ac multo carpes fercula pauca sale.
Addam Piceni canentem ruris olivam:
Concisus dabitur pullus in oxymeli.
Longior ut possis simplex Tibi cœna videri,
Adstruet exiguas meta suprema moras.
In cyathis dapium neglecta impendia ponam;
Et Tecum toto, lane, triente bibam.

Ad Biancam.

Hæc mihi, quæ condo, nuper munuscula misit
Hircius ex hortis poma gemella suis.
Fortè, Bianca, rogas; ea quare munera servem.
Æmula sunt pomis hæc duo poma Tuis.

Ad cives Patriæ.

Tot nutrire canes, minus ut sit in urbe virorum;
Ut vincat numerus pectora nostra canum;

*Ut somnos abigant, & sub Iove verba loquentum
Auribus admitti guttura dira negent;
Turpe, mei cives. Turbae satis errat egeae:
Munere quam vestro pulcrius esset ali.*

*Ad spectatis: virum Danielelem Visnerum Phyl
Keip. Elb. Ordin. amicum conjunctis:
de prædiolo recens comparato.*

Q*uid Tibi de nostro, Visnere, videtur agello?
Heic steriles glebas, quæ jura tollit, habet.
Crede mihi, studiis Musarum hæc damna rependam:
Ac quo soler eas, hic mihi collis erit.
Heic Aracynthus & heic parvus, Visnere, Citheron
Surget; & Aonium fistula ludeat opus.*

In Marculum.

M*unia clara geris: sed jure hoc, Marcule, quo nos
Hæredes regni vult Deus esse sui.*

*. Epithalamium juvenis Præstantis:
Greg. Alfei & Christinæ Ratléidos
Virginis cultissimæ.*

Q*uid fugis in solas, virgo temeraria, silvas?
Nemo Tibi silvis dixit inesse feras?
Illa sed hæc: animus cæcis erat ire paternis.
Exeo. Sic silvas inomitata peto.
Formosum nemus omne fuit, quacumq; ferebar.
Arboris unius carior umbra fuit.
Heic ego fessa cubo. Vox ilice fertur ab altâ:
Sive errore venis, seu Tibi causa via est;
Grata deo nemorum es, nymfarum maxima luco.
Sit Tibi, ne dubites, regnum in Hamadryadas.*

Dum

Dum tremo, facta fides. Animos Alseides addunt.

Hæc mea jam turba est: jam nemus omne meum.

Nympha suas habitet, quibus optat vivere, silvas:

Gratæq; de plenis frondibus umbra cadat.

Illa obeat sacros virgulta imitantia lucos:

Crescat & ut quodvis rectius, ipsa colat.

At Tu ne pereas ut Hamadryas arbore cæsa:

Donec erunt silvæ, Tu dea semper agas.

Ad Iuliam.

Q*uod bene composito niteas, ô Iulia, cinno,
Et Tua purpureus temperet ora color;*

Ex illo laudem debes sperare modestam.

Et formosa satis. Iulia, Thais erat.

De supen Germanorum.

T*eutonicus potior quia se cervice supinat;
Inde supen dixit, quoties ad pocula ventum?*

In libros III. de contemptu mortis

Excell: v. Dan. Heinsii.

N*on potes, Heinsia de, solus contemnere mortem.
Illius excussi Te faciente metum.*

In Sarrium.

F*ama est, funestas Sarri Te scribere pugnas.
Credibile est. Faciem bella gerentis habes.*

In Marciam.

M*arcia cum nollet mihi nubere, prætulit ortus
Majoresq; suos, & sine plebe domum.*

Deerat in urbe meâ, qui posset ducere ceu par.

Quæris, cû tandem nupserit illa? coco.

H

Liber

LIBER V.

Ad Lectorem.

Quid mihi contulerint, Lector, mea carmina, quaris?
Iunxerunt animo plurima corda meo.
Quid tamen hoc præster, si porro attenderis, edam.
Axelius nobis Nicodamasq; favent:
Transæus meus est. Sunt hæc tria pectora tantum.
Cui tamen illa favent; hunc, puto, mundus amat.

In Graculum.

Non ego solus ago (mentiris Gracule de me)
Quotidie Musæ sunt mea turba noxæ.
Quotidie scribunt, mecumq; loquuntur amici:
Aut doctis adeo corda sepulta libris.
Est & cum parvis jucunda Quiritibus uxor:
Inq; meâ sæpe est garrula pica domo.

In Protum.

Cum clavâ incedis: pellem Tibi sume leonis.
Hoc cultu Alciden, Prote, referre potes.

Ad Patriam.

Cum pacis tractationes inter Sveciæ Poloniaq; Re-
ges ab utriusq; Regni Delegatis expirante anno
M. DC. XXXIV. suscipiendæ essent.

OXenstirniades magni patris ardua proles
Janus adit portus, Drusis amica, Tuos.
Et Pacem & Pacis Cererem præmisit alumnam:
Ipsi ambit sacrum pingvis oliva caput.
Ponè subit belli facies atq; arma ferentum.
Dic: Pacem his terris affere, nate diis.

In Croterum.

Quid, Crotere, quid hoc ineptiarum?
 Versus scribere diceris, novemq;
 Musas Aonio cedere clivo.
 At si mens Tibi, quæ solebat esse,
 Debes non aliter cavere fontes
 Rupis Aoniae, nemusq; sacrum,
 Et deas nemoris novem Camœnas,
 Quàm Cadmus faciem minasq; patris;
 Alcida Furias manusq; Cacus:
 Quàm sub Iliacis caterva muris
 Pelide metuit furente Martem:
 Quàm Scyllam caret & timet Charybdin,
 Quis radit Siculi latus Pelori:
 Quàm lassus fugit impigram viator
 Conspectam mediâ viâ lænam.
 Palladem potius severiorem,
 Sermonesq; coles gravis cathedra,
 Et fori streperum sequere vulgus.
 Peligni lepidos relinque amores,
 Et cum passere basiationes
 Catulli procul à severitate
 Catonum atq; Calabridum remotas.
 Te socco posito theatricorum
 Et spreto cavea, Crotere, plausu.
 Grajorum decet Ausonumq; leges;
 Seu Sol purpureum diem reducat,
 Seu nox occiduum diem recondat;
 Volvere, & memori notare mente.
 Et tantum populi vacare causis,
 Quare iudicium secute nostrum

*Fontem Castalium, nemusq; sacrum
Rupis Aonia, deasq; vira.*

*Netricem, Lotricem & Meretricem ejusdem
generis esse.*

R *Egula Grammaticis proponitur una libellis
Nomina in IX referens ad muliebre genus.
Hoc probat exemplis: occurrit sedula Lotrix,
Ponè locum Netrix cum Meretrice tenet.
Pingite acu casta, quibus hæc non dicta, puella.
Totum à Grammaticis sumeret hoc Echicus.*

In Cascam.

M *Ultum sollicitas; & hæc & illa
Donem Casca Tibi: vocasq; nunc hæc
Seu papyrina seu minuta dona,
Nunc illud leve viliusq; raudum:
Et premis cubito, & rogas subinde,
Num dormituriem nec annuendo
Nec hilum modò, Casca, mutiendo.
Casca, desine tot molestiarum,
Nam dormiturio Tibi petenti,
Qui dormituriem nihil petenti.*

In foeneratores.

D *Annum est apertum, si interesse dicitur.
Nil imminutum est, si rogarunt pauperes.*

*In Godericum Poëtam Germanicum ad Magnif.
& Nob. v. Joan. Hagm. Consil. Pom. D.*

L *Egi ego Teutonicum sed per segmenta Poëtam.
Ne totum legerem, res vetuere meæ.*

*Antè mihi toto Phœbus decedat Olympo ;
Percurram numeros quàm, Gode, ice, Tuos.
Ingenium magni vix Tu præstabis Opit I.
Tale mei punctum Nicodamantis erat.
Tale Hagemesteri, quem non tam pulcra senectus,
Quàm virtus populo Principibusq; probat.
I liber. Ut vellem faber hæc Tuus quidiat ex me :
Si vigor annorum est, fac meliora puer.*

In Fundulum.

S At Tibi verborum est, vulgi cum pectora mulces.
Testibus his, habuit nostra nec ora parem :
Vnus erat Romæ, quondam fuit alter Athenis ;
Qui Tecum in partem, Fundule, laudis eant.
Texta Tui ingenii mittis mihi pauca : remitto.
Sufficit ut solo cum Cicerone loquar.

Ad mentem suam.

*P*roxima mens cælo est, quæ concipit ætheris ignes.
Cui Deus in fibris, proximus ille Deo.
Mundus iners sequitur, quod transit & interit ævo.
Mens mea. Perpetuum Tu meditare Bonum.

In Paullum.

E Se nihil dicis, seruo quod dicis in aurem.
Est aliquid ; si non sum Tibi, Paulte, nihil,

In ambitiosum.

I Bo sub Arctoum, quæ Thule est ultima, Solem ;
Quæq; tenet mundum torpor inersq; gelu :
Et rigidos patiar spoliatus veste Triones,
Ut cineres olim nix regat alta meos.

Ne caput hoc tolerem fastumq̄ immane loquentis,
Quod rude, quòd solas cogere novit opes.
Aut illum venerer nec fronte nec ore merentem,
Cui genitor Corydon, Bucola mater erat?
Hei quòd pervenit Vatum res! cedere laurus,
Et servire sibi barbara corda jubent.
Ne peream indignè, si vultum videro, Musæ;
Occursu vasti me prohibete viri.

In Medicum.

I Astarat Medicus: res est mihi parva, Zamel
Et studia & motus ingeniumq̄ sequi.
Tractabat versus, totumq̄ Heliconæ ciebat:
Vox quoq̄ cum facie tanta morientis erant.
Sume novem Musas, sic nuper dixerat agro,
Tres Phoebi scrupos ac duo grana Iovis.

Tumuli XXX.

I. Aquilæ Aristotelicæ.

Quòd si naturæ tamtum est in viribus, uno
Vt partu archetypum prodeat ingenium.
Acta illa est ætas, quâ totum hoc transtulit in se
Quæ Iovis & magni est ales Aristotelis.

II. Iulii Cæs. Scaligeri.

Secula Cecropium stupuerunt prisca Lycæum.
Hoc rapuit nuper Musa Latina decus.
Ne nostra invidiam lugeret Numinis ætas,
Sacra sub Occiduo Sole refulsit avis.
Hac urna, hi cineres numquam pereuntis Iuli:
Quem genius comitem nominis alter habet.

III. Bartholomæi Kekkermani Præcept. fidelis.

Ingens

Ingens Scaligero jam Te suffecerat Orbis:
Iamq; anima audieras & cor Aristotelis
Virtutem mundo magnam invidere sorores
Fatisferæ, ut nostro illuxerat Orbe recens.
Parva manus flemus Te, Kekkermane, receptum
Hoc tumulo: in fletu poscè quoq; mundus erit.

IV. Francisci Petrarchæ.

Petrarchæ cineres cineres hæc marmora condunt:
Cui laurum exornant mens cata, larga Sais.
Miretur veterum series hunc longa Sophorum,
Inq; suo numeret laudis ævara choro.
Cum pulcro miseras relevet solamine mentes,
Solatur manes gloria rara suos.

V. P. Ovidii Nasonis.

Hoc Cytheræa loco Nasonis funera flevit:
Romana, ut venit nuntia fama, nurus.
Artificem teneri claudit rude marmor amoris:
Virtuti Scythicæ quod posuere manus.
Perdideris Vatem dubites lascivia morum,
An sit ab ingenio perditus ipse suo.

VI. Patris Friderici Zamell, Matris Elisabethæ Curradiæ, Fratris Cyriaci Zamell, Sororis Christinæ Zameliæ.

in æde Conv. Dominic.

Hoc tumulo genitor fraterq; sororq; sepulti.
Funera Christinæ prima sororis erant.
Cyrjacus patrem mecum extulit: ille secutus
Tempore poscè modico. Deniq; mater obit.

Plus

Plus habui fratrum: nec deërat turba sororum.

Ex illis natu maximus unus ago.

Tres juncti sunt hac ipsâ, quâ diximus, urnâ.

Majori capit mater in æde locum.

Sit requies vobis: quibus hanc ego debeo vitam,

Hac studia: & vobis frater & alma soror.

VII. Sororis Elisabethæ Zameliæ.

VXor Elisa Ratla, Vatis germana Zamelli

Heic jacet. Et cineres hæc habet urna viri.

VIII. Samuelis

Nicolai } Zameliorum fratrum.

Achatii }

Reginæ prioris } Zameliarum Sororum.

Reginæ junioris }

PArva Zameliada clauduntur pectora fratres

Hoc tumulo, Samuel Nicoleosq; minor.

Parte sub hac terræ parvus requiescit Achates,

Bis septem soles cui superesse datum est.

Hac Regina jacet, tum quæ cognominis illi.

Sit vobis mollis, vos bona corda, quies!

IX. Theodoræ Alsæ uxoris pr.

MArmora Te condo primi Theodora mariti.

Ponè Tuum fient nostra sepulcra latus.

Non poteras odisse virum, si sedula conjux

Assiduo libris non bona verba dabas.

Plurima cum posset ferri, me ferre negabam:

Asserta est verbis cum mihi caussa viri.

Rem bene curabas: pulcro Lare, divite mensâ

Viximus; & cultum pressit uterq; thorum.

*Sed venia est. Calo Tecum mihi vivere detur,
Iussimus ut jungi funera nostra Tuis.*

X. Catharinæ Anemomyliæ uxoris secundæ.

H*Ec Anemomyliæ busta sunt Charillidos,
Quam conjugem Vati dedit Zamelio
Borussa Parthenope; modestum, scitulum
Et osculum & pectusculum: quo cum foret
Dulce ævitates agere plurimas: qha!
Bis octies orbem redintegra verat
Diana noctiluca, cum puellulo
Me fecit edito patrem, sed hoc meum
Carissimum decus meis complexibus
Dirulsit, umbrisq; addidit fugientibus.
Vive atq; age ætheris beatis in plagis.
Cinerum Tuorum pars ero, Te consequar.*

XI. Nymfæ Zamelianæ.

H*Ec mea nympha jacet: tumulo quam condidit alter.
Summa dedit nobis oscula; summa tulit.
Nec, mea nympha, Tuam referar defunctus in urnam.
Quid tum? quâ Tecum vivam, erit illa dies.*

XII. Mormus.

H*Vc monstrum illatum est. queris? genipendula Mormo;
Ac quod tota fuit, pallor & invidia.*

XIII. Ducis.

I*Lle ego, qui sola nomen virtute paravi,
Firmavit meritam cui sua dextra fidem,
Heic jaceo turbæ nunc fabula, lusus, inertis;
Ad factum expendit quæ mea facta suum.
Cujus cum brutis est vita atq; exitus idem.
Me major genius servat ab interitu.*

XIV. Nobilis.

Neglexit celebris ferri splendore parentum,
Laudataq; gulâ condere gentis opes.
Bella manu gessit magnum posse ductor in hostem,
Vulneraq; adverso pectore multa tulit.
Cum turpi sumetur cognatio longa periret?
Ad superos illi gloria fecit iter.

XV. Viri juvenis.

Hic me infelicem fratres posuere maritum:
Cui mortem conjux accelerarat anus.
Sæva meis annis voluisset parcere Clotho:
Sævior hei vite flamina rupit anus.

XVI. Leporis galeati.

Conditus heic lepus est. Hominis perjuria vani
Sola fuere. Bipes & galeatus erat.

XVII. Mendici.

Ecce ego, quem cæli plus unum injuria laesit,
Heic plu viam & ventos sperno nocensq; gelu.

XVIII. Obærat.

Nomina qui fecit tabulis obnoxia semper,
Heic jacet, hac demum parte quiescit humi.
Regna subibo lubens sq; allentis dixerat Orci;
Si ceram & tabulas non habet ignis edax.

XIX. Tutoris.

Perfidus hoc tutor tumulo surgentis arena
Otia lasciva jussus amare gula est.

*Soli deducto pupilli funere flebant :
Queis censum & patrias ille vorarat opes.*

XX. Ludimagistri.

Conditur heic Melior parvi pars maxima ludi :
Qui tenerum docuit prima elementa gregem.
*Sape supinato depleverat ore culillos :
Sape mero zythum deficiente bibit.
Hac dici poterant : nec debent illa taceri ;
Quod rectè tulit hac quæ mala ludus habet.*

XXI. Patris familias inertis.

Non insensa suo qui tempore Numina vidit,
Heic jacet. *Ve felix exitus ille fuit !
Tunc primum accepit gelidam intra viscera mortem,
Viscere cum generis contumulasset opes.
Fletibus hac pueris dixisse novissima fertur :
Parcite, si nondum mors mea crimen habet.*

XXII. Erycis.

Nequicquam, pugiles, fallaci creditis arti.
Sic dixit moriens heic tumulatus Eryx.
*Nam cestu melior multorum lumina clausi.
Nunc ecce Herculeis cestibus intereo.*

XXIII. Galli gallinacei.

Si quoq; parva meret virtus sua præmia, si fas
Pendi pro meritis ; heic sua gallus habet.
*Pellere nos somnos annosâ voce jubebat,
Vrgens non dubio tempore lucis opus.
Frigentem senio diræ violentia brumæ
Instituit. Hac pietas nostra sepulcra dedit.*

XXIV. Catelli.

Flete preces solita contemnere flentis egeni,
 Et tenerâ nânas carne fovere canes.
 Delicias, dominæ, vestras & sindone mundo
 Et loculo clausas hoc breve marmor habet.
 Serva manus lati foderet cùm cessitis agrum,
 Non erit in fatis hic mihi, dixit, honos.

XXV. Vinosi.

Sllenus nostras aut Bacchus venit in oras.
 Namq̃, heic aut Bacchus conditus aut puer est.

XXVI. Vetulæ tenacissimæ.

Hoc marmor vetulæ nati posuere triparca:
 Cui sanctum, solas condere divitias.
 Has etiam impensas fieri post fata negat ar.
 Invite datus est tam pretiosus honor.

XXVII. Amphoræ.

Amplius in hoc tumulo vir conditur, Amphora dictus.
 Hoc meruit, si quid poterat meruisse, Bonosi.

XXVIII. Asini bipedis.

Hoc monumentum ingens asini est cum pelle sepultri.
 Profuit huic, quatuor non habuisse pedes.

XXIX. Mathonis.

Macte animo, irati pressit quem lingua Mathonis.
 Hac nihil, ô cives, mitius esse potest.
 Tam bene compositum probat hoc sub marmore pectus;
 Vt populus tantum fata Mathonis amet.

XXX. Latronis.

XXX

Horri-

Horridus & cædis sitiens inculca colebat,
Qui jacet heic. Tutum perge viator iter.

Ad Patriam,

cum Delegati Sveciæ Regni ad tractandam
cum Poloniæ Proceribus pacem appellerent.

Missus ab Arctoo Comitum stirps incluta mundo
Petrus adest: primus cæpit inire viam.

Axeli genus Axelius subit, huncq; secutus

Oxenstirniades hæc loca Ianus adit.

Sarmaticum Gothico jungant qui fœdere Regnum,

Succedent muris, patria cara, Tuis.

Nonne vides oleas, & amicæ frontis honorem?

Hunc habitum hunc vultum: pacis is esse solet.

Hospita recta dabis: quæ sunt præstanda deinceps,

Si deêrunt; animi fac pietate leves.

Quid rectè excuses, populus non nescit amicus.

Dis geniti veniunt: sola modesta probant.

Andreæ Damalpino.

Diligat hinnuleus, tollit quos Rhetia, montes:

Erret & Alpini plurima dama jugis.

Damalpine, Tibi Pindum monstramus, & illud

Bacciferum Phæbi, quod colit ipse, nemus.

Crede mihi, quicquid promittat turba Quiritum;

Absolvat laudes Græcia sola Tuas.

In Daphnopolas.

Turpe est, indoctas lauru præcingere frontes:

Turpe est, indoctæ munus id esse manûs.

Non mea præclaros sugillant carmina Vates:

Damno rudes animas laurigerumq; pecus.

*Stabit & Augustum tali me iudice culmen:
Ne sit idem scurris Caesaribusq; decus.*

Thalerus.

V *Alligenæ veniunt argentea munera numi,
Tu valli nomen das, Ioachime, Tuum.
Valliculas omnes & monteis anteit omnes,
Si qua potes tales mittere vallis opes.*

Spectab: & Amplis: Dn. Ioanni Fenningio Burg.
Mariæb. Consiliario Elect: Brandeb.

I *Ano meus socer est, qui Te Praconsule fasces
Subsiduâ nuper iussus adire manu est.
Vtraq; fama meas gratissima venit ad aures.
Hic socer est, longus Te mihi junxit amor.
Expeditam votum, traheret quod pluribus alter.
Optavi socero, quæ Tibi cuncta precor.*

Rever. & vigilantiss: viro Ioanni Vendelino
de Rhoda Ecclesiastæ M. Elect. Br.

T *Emporis exiguum est, quo Vendeline vacavi,
Qualia Tu peragis Numine digna, sacris.
Optabam interea mutari totus in aurem:
Optabam grata plus superesse mora.
Concio docta Tua est, sanæq; accommoda vitæ.
Vana fides nostra est, hæc nisi Christus amat.*

Eximio industrioq; viro Mart. Volmaro M.D. amico.

Q *Vis Volmare neget: non sic stat fœderis usus.
Veni ego: nec flexi sub Tua recta pedem,
Da veniam, qualem dat caussa rogantis amici.
Est gravis, & longas amputat illa moras.*

Dicebam socero pronâ jam luce salutem:
Nunc jubeo socerum mane valere novo.

In Codrum.

Q^ualis sit Chius, de quo proverbia, risus;
Codre, rogas. Ex Te discere, Codre, potes.
Fac quod saepe soles, quod Chii saepe solebant,
Et risu stolido rumpere: Chius erit.

Amor Impurus.

P^ollutas animas odit sincerior æther.
Horrent illicitas sidera pura faces.
Quisquis ab ætherio spirat cælestia sensu,
Purus & obsceno vivit amore procul.
Præst: v. Dan. Visnero Med. amico.

S^emp^{er} ut abstineas, nec nostrum limen adires,
Hanc dare Tu poteras, nec violare fidem.
At quas non in spes in quæ non fœdera Tecum?
Singula polliciti verba revolve Tui.
Appello dextram, quam tunc Visnere dedisti,
Corq; Tuum, & si quid sanctius intus agit.
Sæpius ut visas, hac mecum lege coisti;
Sæpius ut visam, mens quoq; legis erat.
Culpa Tua est: non Te tenuêre negotia semper.
Officium feci sæpe ego. Culpa Tua est.
Experiar, quamti faciat Visnerus amicum.
Hei perit dextrâ femina virq; meâ!
Tu tege commissum. Gallorum est advena proles.
Visnere, ad cœnam Teq; Tuamq; roco.

In Puellas.

O sæpe

O saepe simplices, bonæ viragines,
 Nec vafra semper turba, aperta fraudibus
 Amantium cum prima poscunt oscula,
 Iurantq; se sola hæc rogare & unica,
 Nec se rogaturos deinceps altera,
 Nec se rogaturos deinceps amplius:
 Optata milies sibi esse hæc unica.
 Postquam dedistis hæc rogantibus; datis
 Et mille & amplius: datatis insuper.
 O saepe simplices, bonæ viragines.

Ad Illustris: Regni Sved. Proceres.

NE vos æternum bellorum incumbite cæptis,
 Herces Gothici, fas quibus arma dedit.
 Si vestrum posthac non affectaverit Orbem,
 Si pacem optarit Sarmata; tutus agat.
 Virgine Christinâ fasces moderante Gothorum,
 Ceu perhibent Vates, tempora pacis erunt.

Securitas humana.

Obsuideo, læsi cum cogito Numinis iram.
 O nimium miseros, quos dedit illa neci!
 Temporis exiguum est, superum quo accendimus iras.
 Mitigat accensas hæc quoq; vita brevis.
 Huius tamen exigitur, quorum corrumpimur usu.
 Vix subit, ad cælum quo teneamus iter.

Præst. v. v. D. Dan. Visnero & Gr. Alseø, conv.

Non morem odistis, bona pectora, Vatis amici,
 Si mea cæna modi nil Saliarius habet:
 Si vos non madidi capro fulgente Lyæi
 Frango, nec in lusu tempora noctis eunt.

Huius

*His vigilent studiis crudi collegia Fann?
Iudice quo crimen carminis auctor habet.*

Ad sororem Elisabetham
VI. Id. Mart. an. M. DC. XXII.
hac vitâ emigrantem.

C*Ara Tibi nuper terna pectuscula nata
Languabant : unâ vir Tuus æger erat.
Servatus, soror, est superi pietate parentis
Natus genitor, pupaq; terna patri.
Nam flexere Tuæ Jovam lacrumaq; precesq;
Inq; ministerio dextera cura Tuo.
At Tua cum posset pietas jam vera videri,
Dum grates pangis, sanctaq; vota facis;
Dejectam morbo jubet hic Te excedere terris,
Exemtamq; malis non peritura sequi.
Serva mentem animi, quicquid Sægis accola dicitet.
Ius, soror, in Christi non habet ille gregem.
Nec Te præsentis frangat violentia fati.
Illa via ad cælum Christi erat : illa Tua est.
Nec Te dilectæ subolis jam cura fatiget,
Cui gentis superest plurima turba Tuæ.
Qui generi alituum nobisq; alimenta ministrat
Omnibus, hoc vivet præside parva manus.
I præ, cara soror : jamq; hic jamq; ille sequemur
Quid metuas ? Christus Te Tuus ire jubet.*

Ad Sabinum.

M*Era est precantium, Sabine, vanitas;
Qui congerunt precatum velut strues,
Quasq; obaudiat Deus, plura adstruunt.
Nam si quiescâ mente prorsus exigas*

Curam improbam almo feriatu Numisi;
E fonte identidem Mali repullulat,
Mentemq; vanus noxiam ardor afficit:
Tum dicta si inconsulta calculo suo
Illa approbat, quanta est Dei indignatio!
Cujus verendi Numinis celebritas
Verbositate vilicatur impiâ.
Precibus vacantem me, Sabine, summula
Exercet una pensitata plurimum,
Quâ vota Christus omnium complexus est.



De Clariss: Borussiæ Poetâ, Ampliss: viro

Friderico Zamelio.

CE dite Romulida, Galli concedite Vates:
Quos cæli & Solis mitior aura fovet.
Est aliquid, vivace cedro vos digna locutos,
Qualiaq; Aonisin dicter Apollo novem.
Volvite Hyperboreo Philyran Mavorte receptam,
Piscantum Musas, plenum Epigramma sale.
Ut sapiunt vobis, quæ scripta Zamelius auctor
Edidit (invidia judicium careat)
Hic ubi Parrhasio sub sidere Prussia friget,
Et pro Castalio Vistula fonte fluit?
Qualia Drusicola prostarent texta Zamell,
Sulmone & Latiis si foret ortus avis?
Hinc sua tam longè distantia Naso fatecur,
Quæ sibi sint Romæ, quæ sibi scripta Tomos.
Sed quæ de nobis in vobis spargitur, auræ
Si qua fides, si qua est; causa sit illa fides.

Fama

Fama quidem multos sed paucos vera secuta est.

An sim inter paucos, anxia mens dubitat.

Proderit interea mihi calculus integer in me,

In motus animat qui mea sensa novos.

Qualem vir mittit nostris celeberrimus oris,

Dum fluere sacro Pegasis unda iugo.

M. Ioan. Fortumannus P. L.

Pastor; & S. S. Ministerii Sc-

nior Varnigerodæ.

Z Amell Philuran mecum legere Poetæ.

Venit & ad nostras Ecloga culta manus.

Vidimus Aonio celebratam Drusida plectro,

Miserat ac Chariti qualia verba sua.

Vive sacer Vates: quo nil Tua Patria majus,

Teutona nec tellus, aut Latialis habet.

Balth. Voidius sen. Pastor

Ecclesiæ Drubecensis ad Bructerum.

Admirata suos est ingens Roma Marones;

Vixq; habuit Româ iudice Nasoparem.

Cessit Hyperboream divina Poesis in Arcton:

Et stupuit Vatem Drusula prima suum.

Audivit vocem Germania tota canentis,

Et quid nunc sumam, dixit, ab Italiâ?

Michael Brodæus Lusat.

I. V. L. & P. C.

VExat adhuc Caesar nos dira per arma, Zamell;

Nilq; sui decoris perdit a Slesis habet.

Attamen in mediis legimus Tua carmina bellis,

Et colimus laurus ingeniumq; Tuum.

*O noſſem hanc faciem, poſſem hanc contingere dextram,
Quæ gerit in Vates ſceptra ſine invidiâ!*

Achatius Schindelerus Sil. P. L.

CArmina damnaras: dixiſti hoc ſæpe Zamel.
Quid mea Caſtalium peſtora Numen habens?
Pro dolor! & flammis Tua ſæpe urenda dediſti:
Aut ea cærulei ſorbuit unda maris.
Credimus, an ſtupidum potuit Te ſlectere vulgus,
Iudice quo nihil eſt Palladis omne decus?
Aſſerit ecce Tuas major tutela Camænas:
Et favet ingenio, magne Poeta, Tuo.
Rara quidem res eſt, iterum ſpectare Marones:
Rara licet res ſit & qui tueatur, erit.
Æqua animos aſtris hoc Mæcenate, Zamel:
Et Muſas animet tam bona cauſa meas.

M. Balth. Voidius Eccleſiaſt. Elb.

DE naſo ſapimus violisq̃, argute Zamel
(Legi ego, quæ nuper condita texta dabas)
Nempe jacet melior Codro ſub iudice virtus:
Et Tua cui ſordent; huic, puto, naſus abeſt.


Chr. Reimanus Miniſt:


Verbi d. Elb:


TE, Federice, jubent Cimbri ſalvere remoti.
Eſt quod ames Cimbros, ſi Gotha corda probas:
Hæc Tibi ſola volunt: Danus Te ſuſpicit Orbis:
Iam nomen diſcunt ultima Regna Tuum.


Levin. Flier. Cimb. Ictus.


FINIS.














sidr0019523



Biblioteka Jagiellońska

